



05340

彭姥詩蒐卷七

邑後學倪 勘雲萊編輯

男宗漢教文 同校
宗泰鳳陽

國初

包映奎

邑志選舉包映奎康熙二年癸卯科舉人仁和教諭藝文從祀先儒考十卷石城詩草包映奎著父元會天啟七年丁卯科舉人

按列傳包元會字會嘉明末海寇猖獗先生首議築墩臺以為瞭哨防守之計邑人賴之子映奎字子聚號石城過茶園故址感懷

名園深處鎖斜陽壞壁頽垣四面涼古木有藤巢鳥雀曲腔無

彭姥詩蒐

卷七

一

路臥牛羊迢迢社散山樵酒寂寂花飛青女霜深月春風閣上

望園有深月 不堪風月對愁腸
春風閣

紀汪都督功德詩二首

恢復象城

將軍節鉞舊家風裘帶翩翩安甬東
騎摧鋒曾卻敵題勲先

紀集哀鴻

鼎建 文廟兩廡

聖主崇文日元戎蒞汴年重光兩廡地再造五雲天虎觀消兵氣蛟池長瑞蓮干城十二載此事更堪傳

王家獻

邑志選舉王家獻康熙二十五年歲貢入鄉賢祠有傳藝文毋愧作集王家獻著

紀汪都督功德詩三首

恢復象城

石門樹幟奮貔貅血戰曾經缺斧錄壁壘夜清丹嶂月牙旗風捲海天秋游魂屈掃千年浪恢復功高萬里侯從此聖朝多寵眷還看他日錫尊卣

開學作人

嶺雲蒼翠蔚文峰春色花明桃李紅藉有元戎延絳席羨看葑草舞東風瑞占幕府祥星聚光燦門牆劍氣雄此日蓬萊新發軔燕燕棧樸頌豐功

彭姥詩蒐

卷七

鼎建兩廡

苦逢季世及黷宮兩廡櫺星茂草中所幸文章開景運欣瞻丹雘賴元戎棟梁煥重千秋業韜畧雄扶八代功聲徹

宸幄嘉乃績應從泮水錫彤弓

馬健庵元侯壽

花容草色兩盈盈夕秀朝華滿郡城爭羨折衝無缺澤羣欣安堵有殊榮青雲奕奕沙堤擁元鶴翩翩海氣橫驃騎將軍應比德年年正月見蓬瀛

張錫璜

邑志選舉張錫璜副貢無科分詩載蘭言集

馬健庵元侯壽

地勢東南重

天恩眷顧深兩朝揚武烈四埜激歡心觴滿屠蘇酒詩成翰墨林華燈耀衢陌青鳥下雲陰

張錫璵

蘭言集國學生錢心溪沃臣曰蘭言集係其家藏舊梓本張上舍下有筆註象山此因集不著地名故標之也或卽副貢兄弟歟俟查

馬健庵元侯壽

若溯燕然續羣推馬伏波據鞍匡社稷聚米定山河佳節正年少歡情百歲多誰能繼往轍燈下將星羅

彭姥詩

卷七

三

馬兆昌

蘭言集象
山學生員

馬健庵元侯壽

遙聞鐵鎖久還開潮上爭看競渡來盡道千秋人共祝肯教五夜漏相催六韜素著行師畧八斗應誇作賦才漢代雅歌真韻事不圖今日見丰裁

邵伯

邑志選舉邵伯康熙五十九年歲貢永康訓導蘭言集象山學生員

馬健庵元侯壽

由來事聞但籌兵誰似元侯別有聲儒將不須誇卻穀文人何

幸識韓荆玉壺擊罷襟期爽金檢呈來嶽降生海宇有天羣獻
頌好將燈月慶長庚

周 檉

邑志雍正十二年歲貢
蘭言集象山學生員

馬健庵元侯壽

斗柄光回紫氣懸元戎此日度初躔揆辰正值春燈夜眉壽方
登強仕年隊隊歡呼盈壁壘家家歌頌譜絲弦巴詞共祝長庚
耀永照東南海外天

周 諏

蘭言集象
山學生員

彭姥詩蒐

卷七

四

馬健庵元侯壽

庭樹宮花爛漫春張燈共看慶弧辰無邊妙畧優樽俎有種流
膏作部民地借德星羣佩澤堂迎瑞日快驅塵

綸章應似元宵月繚繞

祥光歲歲新

陳 璋

蘭言集象
山學生員

馬健庵元侯壽

勲爵雙高嶽峙宜名成四十際清時擎天玉柱冲牛斗湧地長
川映赫曦燈燦六街颺燄早月臨萬戶客歸遲伏波餘烈今堪
續沸耳笙歌有一卮

周 銓

蘭言集象
山學生員

馬健庵元侯壽

千城寄重浙西東澤沛丹巖萬福同樂際
昇平凝皓月欣逢
嶽降奏笙鏘光分藜杖星辰燦寵錫蓮燈雨露濃此日鳳麟增
物色霞觴躋祝頌喬松

周 宣

蘭言集象邑庠生錢心溪沃臣日前前輩
平日工詩卽此窺見一斑惜未觀其全

馬健庵元侯壽

洵美舊知名四海沾樂利
宸扈勒台衡凌煙表殊勩扶風

彭姥詩蒐 卷七

五

信多材鸞鳳再呈瑞鎖鑰借明山德與才俱備卓哉細柳營良
法行美意蒿日時艱難教養周且擊軍民喜戴恩取之來如寄
國計密綢繆策勲垂碩議自千萬億年安堵歡老稚展也將相
才允矣廊廟器姓氏卽斗山功業前賢類元夕迎辰弧淑景氤
氲葦宮花爛漫春五夜歌不寐拜手賡頌言採風待史記

陳式祖

蘭言集象
邑庠生

馬健庵元侯壽

刁斗無聲功績高瑤池恰喜奏雲璈新春如綺觴飛處報道

丹宸又 賜袍

周 詢

蘭言集象

邑庠生

馬健庵元侯壽

萱開正月德星齊兆慶麟圖春滿隄恰喜能聲馳北嶺功高第

一 御屏題

史 撰

邑志選舉史撰康熙二十一年歲貢庠生史鴻漢鈔示史氏譜撰一名兆麟字蒼書弟起魁以選貢授福建按察司經歷並有文名

紀汪都督功德詩三首

赴新任恢復象城

彭堯詩蒐

卷七

六

單騎飛來力救艱披蝥戰奪石門關所欣城郭安無恙勲策

形埤第一班

會密謀水陸夾擊

五里烽烟掣電明師行捷響砲聲聲坐籌帷幄操奇算膽落鯨波渤海清

蓮花山搜賊還貨

淡港曾經俘馘多將軍洗甲挽天河早知勲衛蚺城重又聽蓮洋奏凱歌

紫誥重封

聖朝稠疊策膚功海畔雲飛萬道紅頻錫

綸音榮世德

君恩四代拜 恩同

羅鰲

邑志選舉羅鰲康熙三十五年歲貢

紀汪都督功德詩六首

赴新任恢復象城

高牙遷鎮

簡書新忽訝丹城羽檄頻
倍道除殘機甚捷潛師定難策如神
鯨鯢莫肆烽煙靜水火旋登衽席親
保障東南誰是賴元功應與達

彭姥詩蒐

卷七

七

楓宸

曾密謀水陸夾擊

孤軍深入處背險出奇時
水陸齊驅驟鯨鯢應接遲
急登龍嶼遁難避劍芒追懸首
通衢遍閭閻藉護持

按潮汝整兵待援

灌耳威名在壯年功成百戰獨登先
陣開魚麗時橫海劒號龍
泉欲倚天妙算隨機潮有候神謀不測
鯿深潛孤城此日民安堵麟閣行看偉績傳

淡港口截斬海氛

港口停餘寇湖邊一望迷
螳螂思逞臂貔虎促然臍
血濺春波

碧屍橫夜月淒須知韓范在小醜欲何棲

復鎮巖疆

巖疆何幸遇金吾喜拜

天恩復綰符壁半東南深倚重碑傳士女盡騰呼轅還甬水邨
雲覆箸借丹山弱草蘇感戴新仁追舊德不勝榮蔭滿中途

紫誥重封

歷年盡瘁捍封疆

勅命龍文翰墨香自是彤弓昭異貺還看球鼎勒勛章

劉起龍

邑志選舉劉起龍康熙
二十年辛酉科武舉人

彭姥詩蒐

卷七

紀汪都督功德詩三首

赴新任恢復象城

五雲闕下拜

新綸疾擁高牙掃戰塵單騎斬關威自振銳

鋒恢邑武稱神氣凌滄海鯨鯢遁波潤丹山雨露均韓范聲名

驚賊膽佇看麟閣繪勲臣

審地形傳烽固圍

韜畧胸藏石畫多傳烽警城捷於梭帷中聚米形山谷關外持

籌靖海波鼉鼓沉聲清壁壘漁舟輕泛戢干戈廟廟裏帶春風

裏猶憶當年奏凱歌

陽建 文廟雨廡

大義春秋炳素王壽亭掇甲亦文章鐸書久沐 絲綸寵元帥

今登鄒魯堂爲念澤宮淪茂草不辭盤橐峻環墻絃歌聲接甍

緜帳公業勝於祭氏香

陳 燿

台象彙集陳燿生員
吳氏譜陳燿字麓亭

紀汪都督功德詩四首

會密謀水陸夾擊

孤懸九邑藉干城夾擊從來舊有名木馬沙囊稱祕畫更餘六

計肖陳平

按潮夕整兵待援

彭姥詩蒐 卷七

九

丹崖僻處泛鯨波夜聽潮聲不寐多整飭轅門新壯士披星帶

甲挽天河

紫誥重封

丹鳳飛翔下錦堂煌煌

勅命煥龍章敘功不是從前事

天語從容顯對揚

鼎建兩廡

自古元勲膺廟錫密陳虎拜告文人欲瞻從祀親賢哲爲建廂
壇飾奐輪泮水藻芹沾化雨兩階俎豆藉功臣矜看

天寵酬勛日守器應嘉百代新

捐修 文廟

寶宮松栢苦時寒殿闕參差不忍看今日元戎新柱石他年多
士慶彈冠雲霞曙色飛陶嶺裘帶風光上杏壇力挽斯文千古
業休揚泮飲共呼韓

哭吳荆山二首

思君忽痛哭轉憶候君時矮屋三杯酒匡牀一卷詩那傳前月
事便隔九京期送我柴門外傷心話別離
有命故如此問天是也非菰蕪貧到骨名利願都違少婦青燈
泣孤兒碧血微一梧君已了盡室竟誰依

吳映宸

彭姥詩蒐

卷七

十

台象彙集吳

映宸生員

紀汪都督功德詩二首

恢復象城

鯨氛潛海嶠匹馬赴城壕寸臆饒戈甲偏師諳畧韜軍聲如破
竹士氣愜投醪威重霜嚴令風清月偃刀登城冲夜雪入境戒
秋毫率土歸黃籍遐津集綠艘不遺苞有藥用息澤中磬普遂
雲霓望時承箕畢調壺簞迎夜月衽席樂宵綯銘德丹峰右燕
然勛並高

審地形傳烽固圉

從容樽俎展雄才力捍全城計壯哉聲遞雲山還應響烽傳瞬

息捷鳴雷波平瀚海煙鋪綠月照屏峰玉作臺裘帶風清今似
古芳名應與峴山巍

馬健菴元侯壽

見蘭言集

璀璨金鼇嶽氣凝蓬壺突兀彩雲升西庚光射千門月南極輝
分萬樹燈三萼仙風喧鼓吹四明綵仗壓岡陵形跡久已承
恩賚稱祝惟須壽作朋

錢式鎔

台象彙集錢式鎔監生錢氏宗譜式鎔字聲範邑上舍生

倪氏宗譜祠宇翠竹軒潘若海瀛彥詩箋序明翠竹軒作詩之由其首創議者錢子聲範箋中所首列也若海先生詩僅存而聲範先生限韻詩與席上諸句人並逸矣今於台象彙集得先生詩三首

彭姥詩蒐卷七

十一

紀汪都督功德詩三首

陞見策勲

巖疆坐鎮靖荏苒川嶽威名遍海隅望重范韓膺

帝召勲標衛霍重

皇都

御爐香靄盈袍袖經國籌深並典謨

喜動

天顏垂問後清標玉立仰麟圖

捐修 文廟

萬仞宮牆淨風塵疊宮芹藻喜重新江天景運增丹雘頻水春

風起緣蘋魯國文章遙煥彩將軍勲業應圖麟門墻從此騰蛟
鳳惠澤千秋浹海濱

鼎建 文廟兩廡

東西新構廟廊深位列羣賢庭樹森丹桂香清秋倍爽青藜影
靜月初臨久期復煥菁莪色一旦重聞禮樂音大將修文恢棟
宇歷朝文範映儒林

俞瓚章

台象彙集俞
瓚章生員

紀汪都督功德詩二首

蓮花山搜賊還貨

彭姥詩蒐

卷七

七

底事緣林行凶頑逮市商集珍多席捲步騎卽飛翔不與潛蹤
遁旋將淨剿亡所欣完趙壁再造德偏長

紫誥重封

至孝從來重顯揚鴻功震世錫

龍章

恩覃四代榮存沒喜誦清芬表墓岡

錢 炯

台象彙集
錢炯生員

倪氏宗譜祠宇附載天葩館史氏先輩名流匾音并錄匾
背識文係康熙四十四年史一經照舊式鑄懸本學廩生
錢炯書字錢心溪沃臣云今莊穆廟額昌福
垂休四字汪公祠額瞻仰二字皆炯書也

紀汪都督功德詩二首

捐修 文廟

太平

天子隆膠序儒將崇文宮殿尊棟插雲霄輝北斗橋聯泮壁躍
南鯤升堂習禮鴻休遠入室鳴琴古道存俎豆有光長擁衛先
賢仲子在巖門

鼎建兩廡

自入此門嗟廢址何期今日忽更新丹霞高映尼山彩文梓遙
分泗水春輪奐東西欣有序趨踰歌舞得同倫鴻猷自是垂青

史

彭姥詩蒐

卷七

三

聖澤看應錫鳳麟

張 鉞

台象彙集

張鉞生員

紀汪都督功德詩二首

闡揚

聖諭

欽承

天語正煌煌率土於今肅憲章泮水能銷金革氣圓橋莫辨虎
羆行耕桑必課邊籌遠禮讓相先練法長偃武脩文良翰事佇

看

榮錫煥旂常

台象功德頌

甲寅之年泰階平四方安堵不知兵滇南覬覦奄竊發沿邊繹騷無堅城巾山江畔非吾土羽檄星馳日旁午宿將旌麾大顯名整旅援師羨虓虎曾於陣上擒李雲保障偏隅凱捷聞宗興梟斬朱溪聖逆書兩首忠奸分扼守松山通輅道士馬從茲慶騰飽策勦雙奇雪正霽白水破攻巢隨搗赤城半沾再造恩駐節丹山位望尊撫循彈丸瘡痕起傳烽立殄驚遊魂淡港蓮山掃遺孽叵測時嚴躬簡閱十餘載來神武揚尸祝鴻休久彌切德威遐播

彭姥詩菴

卷七

古

天子知召試

闕廷優典宜復鎮加封榮及祖釋奠先師在泮奇巒序廻廊傾圯久橋門不堪駿奔走鳩工創建文運亨曠古新猷成不朽壽考作人義學開孤寒負笈荷栽培上諭勤宣徵儼薄風移俗易驗將來兩地匡維展雄畧瞻雲就日宛如昨海陬拭目迓寵光旌勲更有淩煙閣

史珥琬

台象彙集監生史氏譜珥琬字亞穀由庠生捐監父筆字公調號簡白歲貢生

紀汪都督功德詩一首

審地形傳烽固圉

元老持籌經國才每逢五里設烽臺海氛從此皆藏跡安化風和賦北萊

吳望

台象彙集吳望廩生吳氏譜

望一名璫字賓玉一字圭齋

按吳氏譜傳先生質穎敏性耿介好古文詞與里人錢公陶雲倪公振之陳公麓亭稱爲四友後陶雲先生典學粵中聘主幕席先生以毋老辭云

頌汪總戎功德詩一首

整兵待援

天近扶桑水近瀛鈴風奏閣引潮聲北門鑰固籌邊戍赤土星

彭姥詩蒐

卷七

五

流橫海城劒戟光搖鼉浪卻旌旂色撼鯨煙清柳營爲足畱屯壯自遠塵氛一洗兵

展復海隅歸家漫述

漫道歸家未有家更無雞犬與桑麻數椽屋下空啼鳥半畝園中自落花且剪碧蘿邀夜月緩鋤青草種秋瓜許多心事愁無盡蕭瑟西風日又斜

錢陶雲先生見招賦謝

昔年劒履舊從遊鄉社荒涼草徑幽口腹那堪累安邑樽壘誰復重南州多君桃李千蹊樹

時督學貴州

媿我生涯一葉舟珍重中

郎猶倒屣仲宣顙頓懶登樓

哭茂韜叔父兼唁奇玉弟

黑頭先子憾長畱毀瘠能無爲爾憂設帳攜家空滯跡墓田山
閣總關愁歸從蒿里何時旦哭向梅陰動地秋今日蕭條似小
阮那知犢鼻是良謀

石浦掃先人封塋

侵晨出西門攜尊負紙帛細雨暗霏微傷心自脈脈東溪嶺嵯
峨登躡還伏策薄暮至浦城四圍山色碧茶花爛漫紅古木高
百尺依稀稀舊園林風景懷夙昔裊裊晚煙橫夜宿宗人宅次日
拜先塋荒草紛紛籍松楸半已枯苔蘚滿欄石掃除開元房牲
醴陳几席紙錢挂竹梢香帛奠幽魄水源木本思一氣原非隔
彭姥詩蒐 卷七 六

何日是焚黃寵錫光

邵泰年

邑志選舉邵泰年康熙十一年拔貢列傳經
明行修門徒甚衆蘭言集載泰年考授知縣

紀汪都督功德詩一首

淡港口截斬海氛

鴻功開淡港威振四明疆虎帳風雲陣龍韜日月光千謀威玉
壘百戰壯金湯

丹書下淩煙姓氏香

馬健庵元侯壽

東南無復海氛多

天子歸功漢伏波竹帛還添新事業盟詞豈止舊山河莫言封
拜尋常取試看飛騰四十過况值金吾不禁夜好從月下聽謳
歌

陳 瑋

台象彙集
陳瑋生員

紀汪都督功德詩一首

淡港口截斬海氛

牙旗風拂海天秋報捷蒼濤古渡頭士女謳吟聲載路果然禦
侮見奇謀

吳 枚

彭姥詩菴

卷七

七

台象彙集
吳枚生員

紀汪都督功德詩一首

淡港口截斬海氛

蓮花飛捷騎如雲斬馘擒俘蕩海氛元帥渾身都是膽嫵姚不
讓霍將軍

徐成潤

台象彙集徐
成潤生員

紀汪都督功德詩一首

陞見策勲

樽俎經綸著柳營

臨軒策問重聲石

御爐身惹香盈袖永矢忠肝答

聖明

陳 悌

邑志選舉陳悌康熙
一十九年歲貢生

紀汪都督功德詩一首

御賜騎射

綠楊翠柳紫煙斜躍馬彎弓興自賒稔識

臨軒垂盼日元戎聲譽重京華

史珥瑄

彭姥詩蒐

卷七

六

台象彙集史珥瑄生員史
氏諧珥瑄字亞舫珥瑄弟

紀汪都督功德詩一首

御賜騎射

帝顧東南寄重臣十年節鉞靖妖氛

屏題姓氏膺

綸召勇定天山耀

紫宸技試穿楊聲價重功成奏凱帶裘新漫誇身際

君恩渥岸看圖呈上麒麟

鄭啟宗

台象彙集鄭
啟宗生員

紀汪都督功德詩一首

御賜騎射

御苑盈盈柳色蒼虎臣躍馬射穿楊

天顏眷顧恩殊渥韜畧千秋播海鄉

章上錦

台象彙集章
上錦生員

紀汪都督功德詩一首

復鎮巖疆

東南半壁屢

楓宸羽檄星馳鎮海濱猶喜巖疆重借箸丹山草木共回春

彭姥詩蒐

卷七

尤

郭近仁

邑志選舉郭近仁康熙二十三年歲貢

紀汪都督功德詩一首

聞警先馳

羽書猝至擁前鋒神武三軍任折衝不信一身都是膽須臾決

勝自春容

韓景愈

邑志選舉韓景愈康熙四十三年歲貢

紀汪都督功德詩一首

躬親訓練

膽氣曾經百戰場驅兵有勇且知方時當訓練思酬國春露溫

回自肅霜

韓詩

邑志選舉韓詩康熙年間歲貢寧海訓導

紀汪都督功德詩一首

闡陽

聖諭

海波初靖樂

堯天脫劔勤宣孝悌篇童叟爭前觀聽日環橋想見自當年

張貞

彭姥詩蒐

卷七

邑志選舉張貞康熙三十九年歲貢

紀汪都督功德詩一首

闡揚

聖諭

牧馬南山奏

治平遙傳

諭典共遵行對揚

天語安民志

欽訓邊隅先俊英詎重尊親宣

聖繹規嚴守望恤蒼生閭閻從此知雍遜列市頻增弦誦聲

張禎

蘭言集象山生員疑卽前人以禎作員因次錄之

馬健菴元侯壽

崑龍長白聳芙蓉

盛代英豪間氣鍾筵設瑤池生瑞靄齡高

仙島對長松逸翬舞蹈供驅使麟鳳儀型見肅雍幸值春和多

雨露巴音亦欲當華封

錢志閣

邑志選舉錢志閣由例貢任平陽訓導台象彙集錢志閣監生錢氏譜志閣字於九由附監生任平陽縣學訓導瀛

州知州式莊子

紀汪都督功德詩一首

彭姣詩蒐卷七

闡揚

三

聖諭

風清四海息烽煙恰是投戈講藝年讀律提撕勤警覺環橋觀

聽樂

堯天

史嘉猷

台集彙集史嘉猷生員

紀汪都督功德詩一首

虔祀文廟

文事修從武備功泮宮禮樂重元戎趨踰對越瞻樽俎翠藻芳

芹會雅風

史熊飛

台象彙集史
熊飛生員

紀汪都督功德詩一首

開學作人

孤寒有志嘆離羣鼓舞於今獨藉君禮重師儒追吐握館開文
學挾風雲丹山械樸均沾澤北海樽壘合飲醺說禮敦詩漢祭
氏公門桃李誦清芬

陳兆斌

台象彙集陳
兆斌生員

彭緒詩蒐

卷七

紀汪都督功德詩一首

開學作人

敦詩說禮每攜樽偃武脩文古治存今日菁莪歌雅化他年桃
李屬公門

張源慶

台象彙集張源慶廩生邑志藝文環翠山房文集張元慶
著按二張並國初時人集之源慶卽志之元慶歟抑其
爲昆季歟元慶字積躬孝穆之子孝穆
字穉先藝文絲綺園詩集張孝穆著

紀汪都督功德詩一首

紫誥重封

聖主酬勲錫命頻五雲捧出煥

綵繪榮增四代

君恩渥稽拜揚休答

紫宸

王世臣

台象彙集王
世臣生員

馬健菴元侯壽

海疆戎伍易生波數載間閭樂太和自是元侯彈壓重得諧廉
吏撫循多矧聞健筆能扛鼎不獨雄才仗止戈嵩祝要知真感
切連朝試問夜如何

紀汪都督功德詩一首

彭姥詩蒐

卷七

三

紫語重封

披肝殫力久忘軀恭返

楓宸降彩書兩度鄉雲縈翰墨誦芬先後溯門間

翟應期

邑志選舉翟應期康熙二
十六年丁卯科武舉人

紀汪都督功德詩一首

鼎建 文廟兩廡

素王廟貌與雲齊吾道南臨玉帶溪兩翼烏輦翔左右合圍松
栢蔚東西欣瞻文運新開景占得星光並耀奎儒將力能崇爾

雅頓看桃李徧山溪

劉鍾

邑志選舉劉鍾康
熙十七年歲貢

紀汪都督功德詩一首

鼎建 文廟兩廡

立極開天百世師
奐輪作廟創鴻基
兩廂新聞趨踰地
八佾初醵安侑期
踴躍從公皆鐵騎
恪勤將事並牙旗
泮宮振起垂無斁
朗誦周家壽考詩

謝之櫚

邑志選舉謝之櫚
熙二十七年歲貢

紀汪都督功德詩一首

彭姥詩蒐卷七

西

鼎建 文廟兩廡

聖道恒齊日月光
巍巍輝映仰堂皇
經書自古薰陶廣
柱楹於今祀事莊
勇爲荒垣勤藻飾
端教茂草化芹香
宮墻千仞畱勲重
回浦三鄉被德長

張現光

台象景集張
現光廩生

紀汪都督功德詩一首

鼎建 文廟兩廡

魏煥尼山廟祀虔杏壇澤及海東
堦宮頽初未遭秦燹壁破疑
因覓古編兵燹久沉薪
樞氣軍威克復藻芹鮮
右文耀德

昇平業羨我元戎贊

帝天

黃鉞

台象彙集

黃鉞生員

紀汪都督功德詩一首

捐修 文廟

美富門墻仰止深丹黃綯綵耀儒林揮戈事定襄文運俎豆功
勲亘古今

王萬遜

蘭言集象

山生員

彭姥詩蒐

卷七

重

馬健菴元侯壽

帝眷東南重崧生申甫殊不須談劒術自克掌兵樞推轂平山
壘移師靖海隅功高宜晉爵志遠識懸弧序屬元宵候天開壽
域圖龍舟銜火樹皓月泛清湖喜氣騰千里聲歌徹九衢蒙恩
無以報下里共歡呼

彭姥詩蒐卷八

邑後學倪 勘雲萊編輯

男宗復豹文同校
宗泰鳳膠

國朝

陳所知

邑志選舉進士陳所知康熙三年甲辰科嚴我斯榜有傳藝文竹邨詩文集雨蕉泣夜集陳所知著先生字宣夏列傳稱其與兄策弟畧俱擅名古文策詩并集見於藝文先生暨畧筆墨並少概見予於夏王廟從龍社得先生序一首又得此詩於吳氏譜而畧則盡逸矣

茶園爲吳丈台星賦

莞巾博袖足逍遙便許園林勝折腰老樹青葱凌碧漢好花團

彭姥詩蒐

卷八

簇送香颿何須金谷方成賦絕似桃源可避囂誰肯先生終吏

隱陶然千古仰丰標

謝逢

邑志選舉謝逢康熙

三年恩貢有傳

按忠義傳謝逢字於荆由鄉貢赴都考授教習以知縣需次於家康熙十四年耿逆犯邑逢被執不屈於彭姥嶺下觸石死當事以禮殯之子先騶孫榮祚以文行世其家學詩見吳氏家譜國朝嘉慶間奉部文旌殉難事先生與同時殉難王千總天才並蔭後裔世襲恩騎尉王裔孫振麟由恩騎尉現任金華協千總謝裔孫詒邑廩生食俸於家

恩騎尉

讀海隱居士遺稿卽次詩中貧字韻輓之

讀罷遺編百感臻風流宛在莫相親君憐磊落誰知已天忌英

華奪故人文運從來關地運道貧原不等身貧蕭然二老空長
嘆明月離騷一水濱

李杜才華詎易臻可憐珠碎未曾親豪吟昔日多詞客太息於
今少哲人翰墨未乾千載恨滄桑難改百年貧流風如在音容
杳空吊蘆花寂寞濱

錢志朗

邑志選舉錢志朗雍正元年拔貢有傳錢氏譜
志朗字於高號玉峰著有嘉會堂詩藁四卷
翰軒錄補遺楊秉初曰玉峰先生爲象邑望族工詩善書
兼精岐黃遇貧病者輒自往診視與以藥不計其值鄉里
德之其孫小溪聞見博洽善承家學
家故貧徧遊幕府名公卿爭器重焉

望海樓

彭姥詩蒐

卷八

二

巍巍鳳躍峰層樓凌蒼穹林隱山城小峰高天地空拱手問月
御引我廣寒宮

挂山

淼淼東瀛水遙遙九峰起我將游蓬壺從此駕赤鯉欲訪安期
生以招庚定子

鋸臺龍窟

天設三門險懸嵯若鋸展潮汐相吐吞蛟龍時游演上有龍涎
香安得雲梯剪

白石村

山村名白石遙遙衡鄒嶧只求天心回不怕僕姑射雲初居壽

春幸同守宗祐白石尚書公後裔遷居壽州

丹井

丹泉常透錫可以已疾疫汲以玉蟾蜍磨我古松墨用寫肘後方敢質陶貞白

摩崖東谷書

一徑溪橋窄有客此題壁莫作布衣悲千秋高仰格相見羅平山傷心端正驛一作端樹驛

南田

懸懸東仙原昔爲萬家村一經滄桑變鶴鹿鳴朝昏短歌擬楚些以吊司馬援明季張司馬屯兵於此畜雙猿能候動靜後司馬見靴猿嘗哀鳴林樹間

彭姥詩蒐卷六

梅溪

策蹇東郊隄相將度銅溪春風抑何早梅花盈山蹊欲訪隱君

子香雪林空迹溪上有倪招詩九疇祠山上有姜學錄士周讀書處

大瀛海東道院碑元趙孟頫書

吾家東海濱幾度見揚塵琴學水仙操碑遺松雪文獨憐宋城草離離哀王孫

丹桂

丹桂重吾鄉遙徵史氏祥種分月殿上接獻日宮傍天香綿後嗣鐵硯有遺堂

讀真西山先生文章正宗

文忠崇理學功可翼尼山經術相叅用醇疵慎探刪詞追風雅
始體就典謨間讀罷神尤悚高蹤未易攀

春郊觀劇

春晴緩步出郊陌村臺戲演荆釵劇童叟起罵婦女悲孫老舍
冤何不白梅溪先生風節高孫老真爲道誼交一再密議論史
浩八罪分劾言如刀梅溪二女又二子長子聞詩次聞禮長女
玉蓮歸錢郎次適賈氏壻名梓誰爲造此無稽言逼嫁抱石投
長川更冤孫老爲鬼域是非顛倒汙名賢古人傳奇有寓意特
借良頑徵舊事起發創懲風詩遺華袞斧鉞春秋義人生面目
有本來淨丑傳粉還畫煤登場未見所作事覲面已可終身該

彭姥詩蒐

卷八

四

邑中之黔澤門暫笑罵何如千秋隔若髻超羣目絕倫親比武
侯尤奮激鄂王被陷椒山兵婦女兒童雙淚并檜繫鬼獄嵩駝
死猶恨賊身逃明刑由來直道昭今古彰輝聊寄梨園部一曲
欣聞黍谷笙三搥怒激漁陽鼓有人忿極鄂王冤特爲精忠嚴
平反長脚磔市長舌剖庶使後世舒心煩若真有心名教者事
雖非實亦快也如何劇部傳荆釵誣指清妍爲醜魏越王相業
尚可觀忠文叅劾論太偏猶如江陵在明代更爲被誣言莫宣
宋書立傳文鈔集梅溪品學可金石我茲因戲聊戲言觀戲毋
爲演戲惑

邑志遇舉袁澄雍正八年歲貢藝文池
塘春草集十卷袁澄著邑人周學序畧

按列傳袁澄字一泓苦志力學曲盡孝養晚年自怡於詩
邑令馬受曾主脩邑志聘澄總脩澄一字憲周號石溪子
永年喬年
邑諸生

擬古四首

少婦入朱門粉黛恣粧飾儂自掩深閨生來好顏色
東鄰有嬌女通身艷羅綺倩儂作嫁衣夜夜繁針指
春山濃如黛繁花綴其英含笑謝東風儂自愛幽貞
儂心如水清儂眉學淡掃豈繫無良媒婚姻非草草

秋日客館

宿酒人初醒朝來百慮刪清心聽曉簾洗眼看秋山野老風多

彭姥詩蒐

卷八

五

古村禽語帶蠻卻憐無箇事棋局一消閒

秋老山容減晴曛透碧紗齋空耐寂寞市散尙譴譁梧淨三秋
葉楓疑二月花經過蘆荻岸處處泊漁槎

初夏村居二首

四月山村雨及時平畦漾綠柳垂絲雲黏高樹鶯聲滑花落殘
枝蝶夢痴一室寒偏容我老十年貞不願人知故交落落來何
少幾度憑窗費苦思

只拚歲月老巖邱又趁清和好暫遊杖屨無拘休計路胸襟高
放莫緘愁綠楊樹底黃牛坂白石溪邊青雀舟時有漁樵相問
答登臨處處有勾留

登爵溪城望海

十里平沙澁浪痕登城驚看怒濤奔雨蒸蜃氣春常暗峰送嵐
煙晝欲昏雉堞崔嵬畱古戍龍湫蜿蜒鎖青門蒼茫東望渾無
際日月雙丸互吐吞

壽馬健菴元侯

銅柱當年傳偉畧金臺今日特鍾英符分半壁東南靖節擁全
軍江海清暫擲銀戈看舞鬻且從玉漏聽吹笙年年永祝明山
月處處長輝不夜城

倪斌

曾孫勸謹填諱鈔編

倪氏宗譜先生諱斌字克睿邑庠生斌邑志特行傳作兆
斌父靜之先生諱文蔚邑庠生斌子三長芳邑廩生次嘉

彭姥詩藁

卷八

六

平鄉飲介賓 馳贈嘉善
縣學訓導三炳生邑庠生

勸謹按宗譜列傳稱克睿公生於康熙二年而施粥諸事
在康熙六年則猶鹿鳴公舍館之愛也鹿鳴公年壽失詳
遺事載振之公登榜後理歸垂裕堂而大三兩房僅嫂與
姪則鹿鳴公靜之公掄之公去世皆在康熙十六年以後
二十三年之前矣逆賊羅萬里於康熙十五年圍城至二
十三年振之公登榜即與武弁訟理所有鹿鳴公產業一
耗於羅之虜掠再耗於控弁之訟費祇此七八年間而
甲鄉之富歸於烏有以至斃斃二老貧病不支痛哉
舊篋衍有手鈔雜文一卷內有錄克睿先生赴城隍廟訴
冤呈詞一首其畧謂累世修行均堪冥質今至西園停柩
喪葬無貨自怨自責文辭悲切不忍卒讀卷後錄有
春夜讀書歌一首註爲課兒輩作也謹錄之如左

春夜讀書歌

年光冉冉如轉轂寸惜光陰分更速三春佳候一何長萬事不
關書可讀我聞夜者日之餘昔有賢人味往復爲冬爲雨幾何

時不若此中常寓目銅壺傳處漏聲滴金檠明時燼暈簇夢分
彩筆漫聞誰坐索芳醪且慰獨車生囊螢志良苦孫公對月景
亦倏似此輕寒天旣佳况復深沉更正肅透壁星光尙燦爛入
簾花氣兼芬郁此時凭几意如何敢道長吟聊隱伏寸心千古
庶足寄俯仰神明對魁宿遙聽天鷄振一聲早覺新鶯出幽谷

陳其璜

邑志選舉陳其璜乾隆元年恩貢生藝文丹山自鳴詩
草陳其璜著舊志攷雍正七年縣令馬受曾主脩邑志陳
其璜分纂雍正癸丑寧波府志知府曹秉仁主脩鄞
邑翰林院編脩萬經叅定象山廩生陳其璜分編
先生字爾壁號鶴臞舊有丹山自鳴集梓行余訪購久之
不獲今所抄者先君子少年手錄一卷在一震呈編蓬山
清話稱先生工於畫梅
與仲甫潛騰見重於時

彭姣詩蒐卷八

七

雪驄歌

王孫有馬名雪驄自誇來從渥洼中牽近向前試一顧果然不
與凡馬同目夾方瞳電光紫尾撒圓裘朔風起稜稜寒玉攢四
蹄秋竹蒼涼插兩耳金勒雖絡橫難羈健兒熟視不敢騎一息
便能走千里惜哉此馬將老矣

讀楊忠愍集

疏稿挑燈就誓將內賊平臣頭非鐵鑄忠膽是天生憑社威方
赫聞言骨已驚殺身原不恨祇恨事無成

過古冢

咽咽山下泉蕭蕭山上樹瑟瑟樹上風累累樹下墓苔蘚封殘

碑半向草閒臥落花紅零星鋪滿青蒿路黑夜不須言白日走
狐兔策蹇偶經過躊躇久不去呼取酒一杯澆向墓門處安知
百年後不與晨夕聚

紅葉

霜作胭脂一夜塗塗成幾幅晚秋圖長年何必花常在好景還
將葉更鋪暮雨江頭三四樹夕陽村外十餘株不知杜甫遊春
日有此紅肥綠瘦無

新正書懷二首

破帽青衫陳鶴臞敢嫌仍是舊形模迎年只管添些句造物何
曾負了吾盆樹梅花閒意思摹書做畫小工夫請看新歲溪堂

彭姥詩蒐

卷八

八

客談及囊金有也無
柴米油鹽醬醋茶只將七字畧安家別無他物增年例纔有閒
身度歲華春菜兩盤嘗臘酒小窗一角見梅花鶴臞自不嫌清
也何意妻孥笑語譁

海棠

紅深紅淺暖胭脂畫出楊妃睡起遲何必香纔無價買最堪憐
是欲開時漫將名友來呼汝除卻梨花肯聘誰銀燭燒殘看未
足夢爲胡蝶宿深枝

夢中遊僧院賦詩一首旣覺猶能記憶也

踏過溪邊與水涯爲尋蘭若入煙霞已聞齋鼓林還隔將近山

門路忽斜深洞無非雲所住老松都是鶴之家我來不聽無僧
偈愛竅禪堂自在茶

己亥除夕

只聞爆竹聒堦前門外今宵幸寂然鄰父已容拖酒債園丁亦
嬾算花錢未能免俗聊辭歲絕不干人竟過年自笑儉於貧賈
島但陳茗菓祭詩篇

題衲子所藏微雲鷓鴣

何處飛來活鷓鴣雙雙錦翅戲煙蕪此間不是黃陵廟細看真
如青草湖傍水傍林相逐久春前春後一聲無山僧大笑向予
說個是微雲妙筆塗

彭姥詩蒐

卷八

九

綠鸚鵡

莫是迦陵有夙因嶺南倒掛是前身花繁漢苑尋還見柳暗隋
宮認不真應喜封來衣是綠多因學得語如人獨悲處土洲前
葬草色於今幾度春

紅鸚鵡

靈鳥來從西域中只應深閉在朱籠管家鵝苦不能語丁姓鶴
嫌無此紅□□□□□□桃花輕落五更風誰將奇寶堪來
換七尺珊瑚輸石崇

黃鸚鵡

西隴禽鍾土德生黃裳新把綠衣更寫圖全用槐花染繡譜多

須金縷成巧婦小黃雀也應誇毛羽似畫眉亦妬語言清屏西自苦
無儔侶卻羨林間幾個鶯

白鸚鵡

鸚鵡從來抱翠儀白章朱喙見應稀睡當玉殿寒侵夢籠近珠
簾冷逼衣上苑月明空自語隴山雪滿未曾歸侍兒紅豆無煩
飼放向天邊與雁飛

綠牡丹

旣勝楊家更勝姚君家族譜別稱妖司花不費多般色與葉平
分一種嬌全用隋宮螺子畫只應漢水鴨頭澆荔枝酒自戎州
餉綠燭光中燕永宵

彭姥詩蒐

卷八

十

紅牡丹

枝頭血色似猩殷不負花名喚牡丹數尺朱闌扶醉態四圍絳
帳護春寒脂痕一捻尋還易茜頰千金買最難紅線紅綃紅拂
女誰堪當作此花看

黃牡丹

漢苑鶯黃抹幾回嬌容莫作病容猜祇應獨擅花王號恰映初
升襖子開土德結成春富貴金身幻出佛樓臺頻煩鶯向枝頭
喚道是姚家分種來

白牡丹

號國夫人愛淡粧夜深亭子倚沉香何須一捻紅來染雖用千

金價不償知有蝶翻因葉綠似無蜂在爲鬚黃能開五色真奇
絕不信憑誰問阿湘

省回船過紹興遊蘭亭

得便尋蘭渚船回指紹興百花香帖字一匣入昭陵水似當時
曲亭惟過客登好驚人不見打攪煮茶僧
擬尋苧蘿村因雨不過

剛有苧蘿興前山雨脚垂遙憐煙外嶂恰似醉時眉路苦沿溪
滑人愁策蹇疲浣紗石難見那更說西施
遊飛泉菴

一徑入雲微當窗瀑布飛樹遮疑屋小山靜覺僧稀題石筆粘
彭姥詩蒐

卷八

七

蘇釗花香滿衣景多遊未徧峰頂掛斜暉
登北臺眺望

醉眼細揩摩登臺景若何北來山入郭南去路沿河樹點煙村
小潮生帆影多畫工無好手詩句卻能摹

山行暮歸

斜陽前路去山半牧人稀孤石幾回憩暮鴉相與歸溪聲流月
冷樹影抹煙微籬落燈明滅還應未掩扉

聽閩客彈琴

三尺嶧陽桐攜來虛室中君纔一揮手我已萬緣空秋夜唳孤
鶴太清號古風不須云此技只有伯牙工

畫竹

忽捉長毫起水綃几上攤飽濡濃淡墨急掃兩三竿恍恍風枝動森森雨葉攢蕭郎絕筆後得此十分難

同裕菴登石屋避暑

便覓蒲團坐輕衫掛樹枝一巖空似屋六月冷侵肌碑古書成藓牆低竹當籬爐邊泉自到煮茗更便宜

尋僧不過題壁

尋僧來竹院衲子啟松關見客忙呼茗言師已下山齋餘猶坐待日暮始辭還秋杪於陵子畱詩佛壁間

劍

彭姥詩蒐

卷八

三

一股青蛇鍊風胡手淬成隨身鋒未試出匣鬼先驚此物真堪仗誰人有不平秦讎無報客擲作白虹橫

遣僮至南鄉陸家口占指路

汝向南門出沿河不用斜將行橋獨木纔有路三叉一個小村在四圍修竹遮茅簷花接滿的的是渠家

橘

千顆垂枝重猩紅色勝柑秋風雲夢北霜曉洞庭南擘罷香盈手嘗餘舌尚甘獨余愁見汝無復袖懷三

犬

一名
鷄頭

伯仲菱和藕鷄頭犬似拳鐵芒雖可恨玉質實堪憐水國清秋

市吳江八月船販將西北去一十值千錢

題海石上人寫梅

寫梅不離譜畫手低可知此禿欲伸紙必乘半醉時
爛潁蘸墨亂塗去生韻正在草草處不信請看此幅梅
豈從依樣葫蘆來
驢背示小奴子

挈着壺瓶手要酸何妨牢掛在驢鞍驢行不緊無須策正好逢
山隨路看

畫竹

偶把霜筠寫一枝洋州與可幾曾師問余譜是何從得昨夜窗
前月上時

彭姥詩蒐

卷八

三

畫梅

醉拈爛潁掃槎枒掃罷題詩字亦斜紙上微聞香撲鼻不知是
墨是梅花

梅花幅裏剩偏傍恰好陳言題數行水墨掃成仍著色硃砂小
印兩三方

畫荷

誰將宿紙案頭攤恰值題焦墨未乾興尙有餘隄一潑蓮花如
碗葉如盤

妓女春月吊柳亡

曹瞞枉自造銅臺不及荒郊土一堆羣妓釀金因上塚三三兩

兩編衣來

墓上松梢掛落暉冷風颯颯紙錢飛棠梨抓住裙釵線杜宇無情浪勸歸

正月十四日梅溪香谷菴尋衲子不遇

路入梅溪灣復灣梅花萬樹放空山尋僧不遇休惆悵只算尋梅到此間

江左汪怡亭先生視學按寧得某卷謂商林兩學師云陳生文先輩真種子但不利時耳因書以誌其言

陳生所爲文無絃琴頗似豈期當世間尙有一種子旣憐孤生桐復愁埋爨底焦尾何足言有負知音耳

彭姥詩蒐

卷八

古

偉江人索題畫龍

幅中雲氣黑騰騰似有雷霆雨雹聲眼看鬚髻渾欲動墨將爪股忽然生老僧掛處應愁壁畫筆靈時在點睛不用龍門添寫石多魚自怕近前行

水仙

一清無可擬直道是盆蓮只合依風露何從著火煙沉湘小騷鬼捉月舊詩仙莫羨梅枝好寒香自足憐

沈參軍見過奴子以余厭客卻之相見乃一笑

主人厭俗客竹下閉柴荆自坐茅茨裏微聞剝啄聲不知王粲至幾失蔡邕迎奴子殊難責多時面又生

載花

滿載花歸去正逢爛漫時船頭香不斷櫓後蝶遙隨篷窄頻防
葦橋低恐碍枝惜無名畫手畫我海棠痴

鵬

鵬鶚非凡鳥鷹鷂未足曹雙睛橫殺氣六翮作霜刀纔向紅塵
舉隨摩碧漢高三秋真得意狐兔豈能逃

梅椿

樵子青山囊攜歸數尺梅莫愁身半朽得遇我親栽峰有天然
妙花因接過開幾盆松竹在簷外可相陪

小春前後送蟬至者頗多

彭姥詩蒐

卷八

五

秋浦多肥螬村人捉滿筐不須錢買啖頻有客攜將饒守題詩
換狂生寫畫償媿余詩畫拙配飲菊花旁

伍子胥廟

兩鬢蕭疏一老臣孤忠報主竟何成屬鏤拜賜惟三歎鐵騎驅
馳枉一生狡越已知吳國沼怒潮還撼浙江城廟鄰岳墓兼于
墓鼎足真堪萬古撐

陳剛中墓

他鄉白骨有兒收分得西湖土一坏死後何須歸小箬生前已
自謫虔州料知泉路忠魂笑只爲乾坤正氣畱武穆墳頭南向
栢青青欲接此松楸

梅花二首之一

風骨稜稜異衆芳
離騷何事竟相忘
任教月眼憐桃杏
只把冰心傲雪霜
也有一枝今日放
回看萬木許多僵
花中鐵漢應推汝
不是虛誇世外香

燈下插瓶梅

骨帶三分和靖痴
膽瓶注水夜深時
籠燈籬落無多路
就樹梅花選幾枝
未插案頭香已滿
細看壁上影都奇
門邊賺得妻孥笑
道我心情似小兒

蘇屬國武

羶羊曾牧雪會吞
十九年來節尙存
強與李陵全友誼
羞從衛懿

卷八

去

律負君恩已拚老去埋沙磧
何意生還入雁門
畱取赤心吾事畢
凌煙繪像不須論

安太常金藏

皇嗣無汝烈轟轟
告反奇冤那得明
剖腹比干猶未死
屠肝宏演又重生
一時應碧剗腸血
千載猶聞叫屈聲
世上許多難白事
幾人得遇太常卿

顏常山杲卿

眞卿是弟杲卿兄
不愧眞卿兄
杲卿臨死舌憑教
斷去含糊罵
總不停聲魂歸蒼昊
還應怒氣作山河
那用城耿耿一燈看
舊史握拳瞋目尙如生

張睢陽巡

鐵漢錚錚罵賊時
齟穿齒碎血淋漓
謀非曹社偏多鬼
哭罷秦庭不出師
泉路還應麾死士
精魂何暇哭嬌姬
羯奴醢骨今安在
容爵睢陽古木祠

李侍郎若水

勤王師集尙堪爲
近甸屯兵事已非
嵒血甘從袍上濺
魯戈誰向日邊揮
殘屍一任諸酋裂
冷魄還將二聖依
夜黑青城聞鬼哭
北轅何日得南歸

岳忠武飛

奸臣賣國詔班師
痛飲黃龍是幾時
誓渡河平金滅未
莫須有彭姥詩蒐

卷八

七

也獄成之生前不見還
南駕墓上都無向北枝
頓廢中興功第一書生扣馬已先知

江文忠萬里

聞說襄樊已破時
鑿池後圃欲何爲
相雖罷去羞降賊
水預儲深好積屍國故可憐垂白見臣心
豈願汗青知王師有日圖恢復骨便長沉不足悲

李忠節芾

力不支時置一樽
賓僚會飲到朝暾
悲哉惟死完臣分
已矣無能報主恩
卞壺闔門誰肯屈
要離舉室已先燔
九原若遇汪招討
未了丹心好共論

陳叅政文龍

臨難些兒不著忙笑談指顧似平常劉琨尙欲屯河朔許遠無
何詣洛陽一路扭錄誰不歎連朝水米幾曾嘗捐生殉國男兒
事只怕王陵母在堂

李丞相庭芝

枉用招降招不成焚書斬使鐵錚錚龍鬚此日知難挽螳臂原
來死欲撐只喜斷頭嚴太守不辭蹈海曾先生忠魂尙有姜才
伴會向泉臺更起兵

張將軍世傑

天意誰云不可知秀夫溺矣爾何之可憐趙氏無存日又值盲

彭姥詩蒐

卷八

六

風大作時諸葛料難扶後主程嬰尙欲立孤兒海天萬里陰
晦頻有旌旗似出師

文文山天祥

生祭文章意可唾請看衣帶是何詞孤忠心在終須盡元主恩
深豈不知潮斷浙江精衛恨月明柴市杜鵑悲詩成聊當西臺
哭不用從新此記垂

謝疊山枋得

三上書中看自知疊山心跡不須疑國亡親老真難也子孝臣
忠兩得之渤海後身應是汝首陽高節更推誰宋朝生色殊堪
怪翻在金甌破損時

鐵忠烈鉉

寸丹金石也輪堅怪甚鍋油猛火煎以本甘甜憑啖卻屍終僵
強似生前錚錚姓可無慚鐵烈烈名真不愧鉉抔土空教埋碎
骨濟南夜夜有啼鵲

景忠烈清

朝端誰復烈轟轟佩劍衣緋有景清不但生前歸視死直能死
後狀如生荆軻已碎秦王膽豫讓非求義士名繞殿劍光銷不
得化爲雲鏢電光明

于忠肅謙

回鑾復辟有誰論只數功勞在奪門本令楚人還宋主翻成鄭

彭姥詩蒐

卷八

九

伯殺公孫曹家也有蒼頭哭東市齊驚白晝昏墓在西湖誰鼎
足岳墳伍廟至今存

曾忠愍銳

督臣猛欲立邊功爭奈當朝奸相嵩屢請援兵成畫餅遂令將
畧付飄風未銘碑石燕山上忍見銅駝荆棘中壞汝長城檀道
濟堪稱伯仲莫如公

沈光祿鍊

士夫正氣盡沉淪獨仗青霞骨性存創木痛捶奏檜像飛書直
入塞臣門布衣偏有萇宏血沙磧誰招屈子魂祠近霽雲如配
就一般忠烈並堪尊

楊忠愍繼盛

曹郎職小敢櫻鱗直抵端門彈賊臣鐵膽擊狼兼擊虎懇言號
鬼亦號神都亭又見埋輪使殷隆誰憐折檻人試問嚴嵩今在
否椒山疏草尙如新

孫忠烈銓

邑志作黃
張忠烈傳

孤憤填胸身計輕厲聲罵賊鐵錚錚昔年曾夢許忠節此日遂
爲顏杲卿六尺孤兒遙哭奠一棺寒雨傍遼城只須冷魄些兒
在蕩作愁雲千里橫

楊忠烈漣

首上封章斥魏璫此生端的不隨揚肌膚敢說千錘鐵肝胆真
彭姥詩蒐

卷八

三

成百鍊鋼故里月明歸夢杳園扉風過血痕香寃沉獄底應飛
去化作稜稜白簡霜

題小書巢壁

春溜浮花屋外奔一痕摹肖浣花村躍開綠藻魚生鱗逆破蒼
苔竹露孫嬾對時官常閉戶偶因韻客一開門笋魚不用攜錢
買取佐花前酒滿樽

咏水中梅花影

昨宵梅倩月傳神不若今朝此幅真入水未消千片雪因風欲
動一溪春沉湘騷鬼應爲伴捉月詩仙亦可鄰豈爲冰心還待
洗本來肌骨也無塵

紅蕉花

不比榴花不值錢，手栽窗外已多年。
波紋鴨綠流紅葉，石色猩紅補綠天。
因我偶書新織扇，教他頻贈碧雲箋。
美人細看真堪賞，婢視春蘭妾視蓮。

泉聲上人畫不輕與人貽，余素可五六

誰道泉公筆墨慵，小塗大抹慣貽儂。
邊鸞花鳥黃筌竹，荆浩雲山張璪松。
好事千金何處買，臥遊一室儘堪供。
厨中怕要通靈去，字寫紅箋幾道封。

答郡中索畫諸君

拙陋從來不自遮，慣拈畫筆作生涯。
酬柴酬米亦酬酒，換鶴換書兼換花。
只好稱尊無佛處，那堪見笑大方家。
況今百事都慵做，一炷清香一盞茶。

卷八

三

伯牙鼓琴圖

巍巍高山湯湯水，君有山水在琴裏。
余聽滿林雨，與風是琴又在水。
山中淵明云得琴中趣，趣全不在有絃處。
余云果得琴趣深，無絃琴并可以去。

要要公子

紫貂之帽狐白裘，繡鞍玉勒騎烏驕。
奴子亦盡衣官錦，隨向城南城北遊。
金丸不容飛鳥過，翻身彈落孤雲頭。
呼鷹放犬日將沒，歸來竟上沉香樓。
美人競進金鍾酒，饗饗如拳非珍饈。
銅盤

長夜臘官燭笙管嘈嘈香霧稠只解行樂夜達旦那計年光春
復秋春復秋兮急如箭少年長得少年不

豈肯并將劍亦賤歌

苦竹林西有貧士風雨淹旬斷薪米家惟古劍頗直錢只得懸
向街頭與人市遇一健兒貌猙獰飲得泥醉揚鞭行將劍一拔
一睥睨言語模糊形可憎分明欲買卻不買說得一文不直將
劍輕貧士怒來錢不願奪回健兒手中劍爲言我貧只合自家
貧豈肯并將劍亦被人賤

雪窻與鄰友把酒談女俠走筆成歌

雪窻相對君與吾命僅沽取酒一壺且斟且酌談女俠酒盡又

彭姥詩蒐

卷八

三

命兒僮沽紅線牀頭取金合如姬卧內持兵符漂母攜飯進韓
信瀨女發筮饋子胥木蘭鐵衣成邊塞王嬙戎服赴單于綠珠
墮樓願報主聶嬰伏尸豈畏誅當時女子如男子今日男兒女
不如女不如胡爲乎有靦面與目空畱眉與鬢虛此堂堂七尺
軀

屋外枯梅七株俱饒畫意是余寫梅譜也

窻南與窻北共有梅七株風霜嚙蝕久俱堪入畫圖窻南一株
幹極老彷彿青藤爛頰掃相並一株生意微絕似花光道人信
手揮旁入一株最婉媚逼真補之之筆意窻北兩株風骨寒記
得年前雪湖畫裏看中一大株瘦而健是余所藏仲永卷中見

前一小株三兩枝宛然元章潑墨爲我過閒時如看譜興至伸
藤卽寫取東去一枝橫西去一枝墜仍似不向七株來無數梅
花都是胸中吐

園牆爲龍風吹倒墻下花卉十去其七惜哉

溪園牆四圍墻下花遍繞晨夕費栽培直欲看到老昨夜龍顛
狂雲罽露股瓜雨雹一齊來似戰馬陵道風力山可排墻崩花
壓倒十僅存二三不勾蜜蜂飽借問老龍神汝與誰厮吵汝壞
我之墻區區事猶小汝壞我之花花乃是我實將詩訴上天玉
帝恐亦惱

聚花瘞之號曰花塚誌以詩

彭姥詩蒐

卷八

三

花開人愛花爲花蓋花宅花落有誰憐高下任狼籍我亦愛花
人花落我倍惜文塚筆塚旁爲花造一穴買甕作花棺常掃落
花積積滿埋此中黃土築盈尺書誌亦書銘削竹當石碣樹之
以青松殉之以落葉不是結花緣庶免暴花骨時日不須詹年
年寒食節杯酒招花魂爲文慰之曰魂歸玉鈎斜與卿從此訣
再欲與卿逢夜夢爲蝴蝶

住後靈巖

昨登行者嶺此遊猶未果多謝靈巖山伸頭先望我山可名夏
雲奇峰無數朶路險苦難攀猢猻愁欲墮近頂著一菴遶菴松
磔硤料無人跡來僧出門不鎖

猫雛

新買一猫雛軀幹小於鼠欲護案頭書勇亦徹夜賈正如張睢陽一城死不與主人忙策勲市魚挈筐筥

蘭花

濂溪於菊花曾以隱逸比況此孤生蘭托根幽厓底厓下水冷厓上石齒齒懷香人不知不知亦自喜

記後山古松

後山去城近三里許上多古松俱似人形暇日往遊
一一撫之得五言凡五十二句

後山多古松不知何代物種種形模奇我畧能彷彿一株心半

彭姥詩蒐

卷八

五

剝楞然不復實剖開比千胸審視心竅七一株裂皴皮嵌嵌骨
露出天台山上僧鷄形久絕粒一株狀昂然身掛藤蘿密五月
披裘公那見金可拾一株向斷厓厓上飛泉白思親狄懷英遙
望片雲泣一株丈餘高輪囷看不得人鑑魏元成狀貌實劣極
一株氣激昂勁柯拂醜石烈烈段成公象笏擊朱賊一株頂禿
來枝葉不復茁工書張伯高老無髮濡墨一株僵溪頭橫枕石
峯崒盜飲畢吏部醉倒鄰甕側一株髭髻張濃陰遮澗黑據水
猛張飛瞋目橫矛立一株根猙獰倒生在絕壁豪哉陳元龍高
卧樓百尺此外尙多奇一一難盡述俱堪入畫圖惜無韋偃筆
豈似鮮于樞廢圃中所得僅一支離翁移向齋前植

楊妃春睡圖

玉堦草色綠如染，醉得蜻蜓春翅軟。
金鈴小犬捕蜻蜓，踏碎落紅三四點。
芙蓉帳煖睡何人，新承恩寵楊太真。
昨宵嬌倚玉樓宴，宴罷扶歸鷄已鳴。
寶枕斜壓綠雲鬢，熱粉生香凝酒暈。
日斜詔賜沐，華清鸚鵡窺簾喚不醒。

溪園

鳳躍溪頭住，園林靜不譁。
刪松成畫樹，選石點盆花。
徑繞朱闌曲，牆題醉墨斜。
客來何用問，知是鶴癡家。

病馬詩

誰識是龍精，飢腸霍霍鳴。
鬣焦落朱色，骨瘦帶銅聲。
鹽坂嘶將

彭姥詩蒐

卷八

五

老盲臄捉不成孫，陽墳上草淚眼看他生。

出郭至金粟巷前得二十字

披衫欹短帽，策蹇出城中。
石漱一溪雨，樹圍千嶂風。
人稀橋久廢，雲盡路微通。
知有菴僧在，經聲尚未終。

買得一大端硯秤之可得八觔許輒賦

大平橋頭一小肆，半是文房貴重器。
中有一硯大如盤，云是端州客帶至。
猪肝色紫人爭看，我亦呼取墨來試。
蟹腳跋沙微有聲，崑刀削玉無此利。
利用錢九百，買將歸西窓橫板几。
上置雀臺古瓦，雖直錢只好當作妾婢侍。
宛陵霜毫一握粗，從來苦無大硯磨。
濃墨數升淬之尚覺有餘地，七月一過八月來便是涼風。

好天氣池頭不用驅蒼蠅任作龍拿虎攫斗大字

林文懋

邑志選舉林文懋雍正元年恩貢天台教諭有傳舊志
考雍正七年邑令馬受曾主脩邑志林文懋分纂錢氏宗
譜詩文外編林文懋字昭
德號梅臯子喆歲貢生

題錢玉峰文學踏雪尋梅小景

山有梅滿樹搖晴雪雪滿山花影寒梅白趁一縷清香探箇中
消息策蹇攜來半肩春色或曰詩思橋頭或曰尋梅山側鄭耶
孟耶吁此予友錢君玉峰也藻思豪情摹之不克特假此以畧
歌其彷彿

輓吳氏女鏐姑

彭姥詩蒐

卷八

吳

焚香靜夜禮天南天許誠求苦未諳卅載素心惟有我一腔血
性勝爲男將身代母情何篤立志存兄願自甘孝女貞娥無個
伴千秋賴爾頓成三

吳尹

吳氏譜尹字尹玉號荆山邑志列女倪氏吳尹妻尹歿遺
孤元錦五歲氏教之早入邑庠尤善於治家至老不瘁以
完節終乾隆丙辰請旌壬子
建坊於縣治南之燕尾溪側
荆山先生勸外舅半山先生之祖也建坊時勸父任嘉善
學外舅遣使東予父題坊額予父手書節著霜筠四字寄
復并命勸鉤摹上石題請年
月當道官銜命勸就石書之

夏夕同賓玉世玉諸從弟會於石浦茶園卽事

紅花綠萼布濃陰夏日攜壺會共斟四十年慳食好一三人

聚話同心軌書高鳳幾漂麥愛弟姜肱應合衾時到酒闌還戀
坐仰看新月一鉤金

原韻答伯氏賓王

吾宗舊第似槐陰玉茗聯枝對翠斟聚族百年歌哭地寫憂今
夕弟兄心慚無嘔血聊嘗酒癖有臨池暗劃衾力怯長錢禾已
熟筍經深自媿贏金

獨飲

萬慮沸然作醇醪且復酣寂添長日枕憂散片時壺夢寐無塵
俗雲山似畫圖半牀聊可借得趣在吾吾

謝姚升聞老師爲先人誌墓

彭姥詩蒐

卷八

七

中郎負逸才誌銘多慚德維郭有道碑自謂無媿色後世文逾
弊不辨黑與白隆禮借官銜套言多剽飾甚者好惡殊曲筆乖
淑慝轉瞬已成灰不待石爲泐死者而有知九原顏亦慙叶先
子一諸生賁志無人識尹也孤而貧昊天悲罔極遷塋石浦西
故鄉適其適何以慰先靈不朽在石刻吾師品行醇文章華邦
國大書與特書闡幽美非溢嘉惠賁沉泉潛德蒙拂拭石城秀
色青東嶺峰巔芳貞曜發元房夜光冲霄直無可答鴻恩銘感
五中勒

喜應君獻周楚臣攜尊過訪

我不事耕稼手足竟無爲我不逐名利無用心思時筋力雖未

衰任勞實苦辭倦向矮屋臥樂詎過於茲知已攜榼至交歡無猜疑愛爾氣味醇許心不我欺願言長相保有酒共醉之

史棟

錢氏譜詩存外編史棟字茂陶邑庠生

題錢玉峰文學踏雪尋梅小景

策蹇衝寒去輕攜一剪梅橋前隨雪舞驢背帶詩來春色三分得香風滿逕回小奚真解事追步踏山隈

王元佐

輟軒錄補遺稿王元佐字叔卜象山人雍正己酉科選拔貢生朝試一等充欽差陝西宣諭副使狀類魁梧性好恬澹差施詩就教職選授江山縣教諭

彭姥詩蒐

卷八

壬

按輟軒錄補遺係錢心溪先生寄送詩局來札云諸先生稿先後錄送輟軒錄詩局已爲楊書巢孝廉收選適芸臺阮中丞歸里未及補梓云云茲編因冠以詩局之目以記所自後放此

龍首山

奉節來尋百二關登臨徧指漢名山寄言藍澗餐芝皓天子求賢詔已頒

望終南山

太乙層層暎碧空我於司馬想高蹤此間佳處洵難盡清節誰教易始終

昆明池

少年曾讀少陵詩雄武從知漢武時

聖代恩威施更廣西藩不盡界龜茲

柏梁臺

未央宮後柏梁臺武帝經營亦壯哉
七字詩成榮上座從教詞苑效新裁

張思齊

先生諱思齊字健修號梅與邑諸生所著有梅與詩草二卷同里吳振聲成宣點定蓋自先生沒後先生子凌雲所寄呈也卷首并列吳振聲先生復書其畧云先生詩全以至情至性流露行間云云凌雲字廣居著有雲谷詩稿俱係邑庠生張學韓允升送編

懷姚若龍

舉世多汶汶先生明且哲室廬不必大取足於精潔花植三五

彭姥詩蒐

卷八

无

本吟風且弄月有時欣舉杯微醺學康節亦復耕荒墟閒讀古殘篋逢人高兩眉腰並不肯折吐詞驚鬼神筆下操冰雪功名豈無心雅趣在巖穴可憐狐媚者對之都咋舌

誠蟠花

吾情本自適屈曲常不怕偶植松竹梅錯落亦自奇人工不必假斧鑿何用施當年周茂叔堦前草不耜

賀海石上人招徒

茅菴云石屋卓哉一僧獨入山友雲霞到門揖松竹登高視一切滄海渺如粟有徒從茲來喜他人脫俗身心無以異突爾頭顱禿過客若相訪非復舊空谷

懷鄭里東都閫

彈丸一丹城自古稱朴固風隨教化移人事轉抵悟所望長者
臨滌去舊染污簡公蒞茲土爲我得賢傳講武羊叔子談經
羅仲素洗心傾耳聽清風豁雲霧意謂日親炙胡賡甘棠賦努
臂當車轅無力留君駐月落梧桐冷忽忽已三度每過握別地
山鳥鳴歧路

輓大雷寺魯峰和上

培植宗風推大雷庭前早已熟黃梅西歸隻屐今何處寒月空
明說法臺

次周開京先生清明阻雨原韻

彭姥詩蒐

卷八

三

寒食常多雨淒然在此山白雲遮仄徑綠水繞平灣遶墓松松
翠臨軒竹竹斑羨君年五十孺慕尙心關

題開京先生齋頭盆竹

先子常愛蓮君栽數竿竹風來時作吟雨過亦翻綠點染似湘
江切磋儼淇澳爲公贈一言相伴人如玉

天童寺

古剎千山護松闌十里通虹橋橫水面藏閣抹雲峰秋老禪林
樹煙收午夜鐘天開選佛地恨不早相從

龍興八景

龍山蟠曲

走石回沙勢蜿蜒神靈出沒在桑田身披萬籟蕭疏雨角聳孤
峰淡漠煙蟠地有情迴九曲升天無術臥千年懸知待點龍門
額好趁長風起大淵

鷹嘴插天

奇峰突兀似鷹揚勁羽冲霄觸上方一啄風清嵐影密半鈎秋
露月輪香將翔直欲穿雲漢轉翮猶疑射夕陽挈伴直窮高頂
望大瀛洲在水中央

銅斗溪流

溪繞重山曲徑幽寒泉脈脈一泓浮風鳴斷岵疑金漏月照晴
沙冷玉鉤徹底清涵山色好環空明印石華秋尾間何處流無
彭姥詩蒐

卷八

三

盡銅斗峻嶒正砥流

梅花懸巖

挽舟緩渡梅花巖一片香風透客衣雪釀輕寒枝尙凍風來解
慍藥初肥枯藤附處懷新穎烏鵲棲時開落暉消息傳來春意
好蚤從水際問先機

摹字雙巖

壁立雙巖勢甚強誰將毛穎寫蒼茫春深雨潤行間密秋老風
高筆勢芒敢是燕然題片石恍從銅柱勒勳章揣摩若是真佳
境抱璞何年隱此鄉

童仙西塢

童仙西去是何年遺跡孤蹤不可傳竹塢一叢高士墓松溪幾曲逸民川當時曾落縱山鷁此日長啼蜀水鵲巢父不知真隱處牽牛猶是飲河邊

雲谷南潭

囊雲谷裏木森森龍臥溪潭百尺深出岫何時從爛電興天有日降甘霖炎炎不致田龜坼郁郁常蒙石觸陰惠我一方承惠澤長歌大有到於今

楊板平秀

苒苒沙坡坦坦平荻花遶岨鳥嚶嚶山圍四面迎風細水浸圓洲映月明歌聽牧樵閒唱和樂看鶴鹿每遊行攜朋席地如茵

彭姚詩蒐

卷八

三

軟今古消愁酒一觥

登山見梅竹

寒梅倚巖開參差映綠竹有梅情乃清有竹興不俗疑是登孤山恍如涉淇澳感此兩交情動我歌一曲

冬夜與林君猷坐談

良友相過入暮天梅花香暗逐茶煙竹鑪話久重添火絮襖更深再著縣論到奇書還起舞觸來時事不成眠牀頭新釀今初熟暢飲高歌惜去年

夜叩石齋索詩已睡而返因拈此

數星螢火點籬青得句欣然就典型牢掩柴扉叩不起一團詩

興付閒庭

元夜步月

正月十五夜月色何皎皎莫照傷心人傷心月自曉

春日山居

日永風和坐釣磯去年此日亦相依清池魚躍天機活小圃花香春氣肥釀熟招隣嘗薄酒裁成趁暖試單衣山家獨處時嫌寂有客談心不放歸

復遊智門贈偉端上人

曾向琴溪聽講禪上人詮法正元元欲聯方外頻年約來踐名山兩度緣新月光分深樹裏疏鐘聲出亂峰前雲山縹渺思無彭姥詩蒐卷八
三

限詩記重遊興勃然

登高懷友

扶筇緩步上龍岡遠睇蒹葭天一方把酒難逢知己笑開枰還憶故交狂摘來籬菊歎孤賞釣得江鱸惜自嘗日月易消人易老看予兩鬢白如霜

和姚大若龍感懷韻

胸次悠然復偉然蒹葭遠寄水湄邊品高同學推前輩文重名山立最巔尊酒獨澆忘世態千緡滿抱自家傳海濱若結耆英會一塵高談稱地仙

時哉雌雉有行藏魯論應叅自末章養就文明同鳳彩不誇清
韻學鷺黃知幾伏處鳴還啄見色高飛去復翔世路漫漫多險
巖堪嗟予智不提防

答海石上人

禪關掩處石岷懸攜酒聯吟會有年羨爾已登皇覺座愧余猶
靳祖生鞭童時爭道爲奇貨老到方知值幾錢六十韶光心未
定三思還欲學神仙

栽蘭有感

冉冉幽香僻徑開黃茅盤簇夾蒼苔獨含雅意誰爲匹孤抱芳
情肯倩媒嘗伴紫芝深谷老漫同書帶小庭栽卻憐曾赴騷人

彭姥詩蒐

卷八

三

約湘水清魂招自回

元宵步月愴然有懷

不忍負良夜強起步檐前一天清了了明月自團圓遠山若含
翠高樹忽生煙四望俱無賴顧影空自憐燒紙煖新酒酣歌再
熟眠微魂接芳夢應續舊時緣

秋日同苞九偶步丹山

共羨丹山勝同來過鳳溪恨無仙可訪幸有石畱題紅葉隨流
水黃花布野堤登雲路不遠攜手上天梯

宿普明禪寺畱贈承宗上人

薄暮叩林泉依稀別有天老僧一夕話居士十年緣解脫同支

道清談契大顛與公別後想常在白雲邊

姜桂彩

蓬山清話姜桂彩號澹齋畫學小米雖乏氣韻而用筆古質可愛余少時多見之又時有仲甫潛騰陳爾壁其蹟皆以畫梅見重姜仲邑諸生陳歲貢生予嘗有詩云文人筆戲未云慳陳仲梅花兄弟間爭似姜生拈秃筆齋頭堆出山米家

寫九如圖爲邵鏡祚先生九十壽并題

摩就岡陵繪就川山重阜疊細鉤連蒼松根鬱蟠丹地翠栢枝叢繞洞天日色冲融林錦爛月華蕩漾水紋圓羨翁九袞真如九圖此南山代紀年

史梁

彭姥詩蒐卷八

重

按邵氏壽軸爲壽官邵鏡祚先生製也軸首係邑明府李諱仙洲題詞適間借攜至家偕吳七薪之同展閱軸係姜桂彩寫題詩者錢鴻基王璋集中另有詩姜桂彩邵錫展姜森以次編列徐民望蘇廷佐林芳等字號職銜均無可攷詩亦隨筆應酬聞至史梁薪之曰此余外祖也邑諸生卽丹桂堂後嗣建有天葩館按輶軒錄補遺象山史玉書小傳稱其先樂善好施其卽先生之謂歟史玉書係先生第三子乾隆丁酉科舉人詩詳後十一卷嘉慶二十三年四月日識

邑志物產宋人史本初獻丹桂於朝高宗繪圖賜近臣詩選舉宋辟薦史本初紹興間授吉安知縣按史氏之堂其以丹桂名者以此邑志宋高宗題丹桂月宮移向日宮栽染得嬌紅入面來多謝秋風揚雨露丹心一一爲君開復古殿題秋入幽巖桂影團深香粟栗照林丹應隨王母瑤池曉染得朝霞下廣寒

壽鏡祚先生九十

翁家齒德媲天民揆旦門盈慶賀實算自古稀添廿載籌過甲

子又三旬桂蘭森列瑤堦秀冠帶榮膺

紫詔新夙仰建坊百二歲

邑治西百歲坊爲一百二歲壽官姜文澤立

先生指顧十

回春

姜森

按吳公祠額記祠係乾隆五年十一月重修也祠卽今三官堂吳公諱學周額題邑生員謝榮柞姜森及首事馬廣才馬繼生等公立謝疑卽謝家橋謝氏後人其一卽先生姓名也詩見邵氏壽軸

前題

羅結懸弧日荷香滿錦堂鵲籌原不限蓮座況無量著策承先數掄才有亞坊期頤蒙

錫賚佇看拜

彭姬詩蒐

卷八

美

恩光

邵錫辰

邑志選舉邵錫辰康熙六十一年歲貢仁和訓導詩見邵氏壽軸

前題

佳哉紫氣盈丹城丹山蒼古毓長生芝顏松骨聚元精煌煌千載南極明先生誕降福壽并古貌古心無懷氓家風勤儉守生平典籍課讀田疇耕春秋九十扶杖行里巷逍遙如公卿昔年孝友洽鄉評今日含飴弄嬌嬰欣逢且月午風清芙蓉出水香階檻屏開帳列五色榮綵衣爛漫映瑤觥畫堂拜祝來羣英介眉曲高叶鸞笙我亦偕班醉而醒訪道崆峒之廣成

張樞

按纓水書院碑記鑄銜授文署象山縣事三韓尤錫章董
事生員鄧懷聖張樞袁喬年徐載彭姜炳璋史節音張冠
賢七人按邵氏壽軸有張樞徐載彭二人徐洞仙歌詞一
首字有錯誤與所錄詩例亦不合因僅鈔張詩一首如左
前題

茜茜花開日華堂啟壽筵香風廳席次綵服耀堦前快觀人中
瑞爭誇地上仙九旬唐 龍錫遐福正綿綿

仲騰

先生字甫潛諸生工畫梅見上姜桂彩註查邑志列女仲
氏諸生黃霞妻以貞節稱他缺有問現據里人稱錢倉等
村仲氏皆先生之族也詩
見張廣居西窓詩草夾片

東張廣居二首

彭姥詩蒐

卷八

七

臨岐把袂憶明州兩載時光如水流莫怨文章因運厄箇中消
息待清秋

惠書不報實予辜那禁心慵手亦瘡絕倒年來忙底事環溪樓

上問今吾 環溪樓在
護境寺

鄭宗桓

邑志鄭宗桓雍正六年歲貢生鄭氏譜先生號柿園嘗延
姜白巖先生主塾以課其孫學崇賓主之交七載是詩二
首載譜係白
巖先生點定

家慈六十同人各以詩至

萬丈春暉照草廬永年欣值六旬初筵前甫晉麻姑酒門外多
孫方朔車滿幃官商榮莫比盈屏珠玉惠何如酣餘其上松山

頂好似霞仙會太虛

輓姜潔齋

聯床風雨小橋東今日緇帷形影空五漏焚膏談疊疊數行遺
簡氣熊熊儒林衍派懷廷實心學承家忝小同惟有大招傲楚
些招君旋返暮雲中

倪芳

先生諱嘉禾庠名芳邑廩生勸伯祖也家傳克魯公生三
子長嘉禾次嘉平三嘉楠克魯公時家已落嘉禾繼起同
輔家政得稍補給然先富後貧門戶仍不支也克魯公潔
已惇行以求事事可質幽獨而其庭訓又諄諄以攻舉子
業爲重迨三子嘉楠入庠而克魯公已老矣桂蕊詩一首
見於嘉禾公手抄稿本錄之又舊余訂文鏡彙編見有公
赴鄉試途中自慰其足詞二首情文
懇到最耐咀味今屢索之已不復得

彭姥詩蒐

卷八

美

桂蕊

瑞萼含金氣凝香鬱未開稀微臨鏡色掩映出林材濃露宵同
裊輕風曉共催一枝傳異種知是月中來

倪炳生

先生諱嘉楠庠名炳生號任齋邑庠生勸叔祖也家傳先
生楷書學董思白所遺有縣治南下佛堂氣塞天地四字
額又東鄉中堡廟帝德廣運四字額邑廣文唐以坊曰予
於城中得匾字二其一協副軍章紳所書城西營祠額至
誠二字其一卽先生所書氣塞天地四字也丁丑秋婿周
日庠搜檢伊祖稿本見先生手抄雜文一卷有姓名圖章
爲記特以示予并卷內錄無題詩數首其一爲讀易予因
錄之先生聘周氏卽讀書舅家旣疾病未成婚而卒宜此
手抄之遺
於周氏也

讀易

一畫啟奇秘兩儀垂象焉錯綜六十四卦義統於乾庖羲肇其緒河洛啟其傳姬文衍彖象洙泗繫簡編淵源垂千古道術相後先動靜休咎理指顧皆燦然聖賢如可作大哉易之天

錢鴻基

翰軒錄補遺錢鴻基字肇邠一字韋軒象山縣人雍正乙卯拔貢生官泰順教諭著有棟蓀軒詩草邑志選舉錢鴻基志朗子雍正十三年拔貢蓬山清詒先生書法董華亭兼善墨菊墨蠨小品有逸致晚任泰順教諭三年辭歸優遊鄉里以終

按志載先生兩次脩纂邑志雍正己酉縣令馬受曾主脩邑人錢鴻基分纂乾隆己卯縣令史鳴皋主脩邑人錢鴻基參閱又按舊志攷乾隆二十一年縣令曹盤主脩邑人姜炳璋總纂錢鴻基佐之開局於四月至八月曹令去官繼以史令書雖曹令未成而一端之功居多也

彭姥詩蒐卷八

三

憫忠寺

蘭若何莊嚴慈光照經筵今爲歡喜地昔日煩惱天有唐崇遠畧鄂公重籌邊壯士願報國不惜微軀捐哀仗大悲力轉大法輪緣越裳來九譯舟車通山川雨暘幸時若史書長豐年我爲聖人氓合十禮殊賢

畫蟹應縣大夫史歷亭先生

新酒黃花好及時清風明月更相思文章自問非司馬何自橫行出硯池

泰順學宮落成答傅明府

聖代隆儒術斯文喜日尊官牆高萬仞奎壁映三垣樹密分文

楷池清接泗源祥光徵鳳舞秀氣毓龍蹲置守追瑛請增修肇
翟言揚休思說命述古愧彭孫切願菁莪茂相期道義敦莫言
鄒魯遠日月照乾坤

石門洞謁誠意伯

石門仰崔巍山坡構庭宇冰雪寒雕樞煙雲護翠柱遺像瞻劉
公綸巾揮玉塵有明三百年於此著神武誠意諡何榮勛高列
爵五剔薛讀殘碑蟲鼠狀奇古我先司寇公與師同夾輔小子
雖不敏不敢忘所祖再拜奉瓣香惟師尚鑒俯颯然山風來靈
旗捲亭午

海天旭日圖爲孫後齋廣文

彭姚詩蒐

卷八

早

方丈蓬壺路不賒亭亭獨立莫興嗟權將鳳躍溪頭水散作丹
山樹樹花

蝴蝶會

長興孫後齋先生司鐸我象督課之餘與邑老人約
每月一期各攜一壺一碟敘於丹山縵水之間爲詩
酒樂諧其聲曰蝴蝶會蓋與撇蘭畫蠅同一小飲之
絕趣者時與會者鄧一牧慎齋周明經上眷袁茂才
亭上史明經觴帆暨我及門吳明經東瀾也屬予賦

詩記事

小小嘗領南華意老大得與蝴蝶會周與蝶與可勿辨樽中有

酒且歡醉後齋先生富五車春風開遍丹山葩予亦羅陽忝秉鐸濫竽三載逃難遮鄧文品望重鄉里士林長沐纓溪水翳颿明經此授經隆隆岳婿前峰起翳颿爲鄧文東牀臥雪先生全天真瀛溪後人孝行純及門吳君性友愛共襄義事忘艱辛烏兔忙忙如梭擲少年轉瞬爲陳跡史君吳君讓余先鬚鬢亦添幾莖白後齋勸我莫咨嗟庭前正放桃李花看花酌酒且行樂何須長生餐流霞冷官齋頭種苜蓿君亦各採園中菽攜壺捧碟月一行月月花紅卽我福人間小飲最怡情撇蘭畫幃隨時更我茲得與胡蝶會何如栩栩從莊生

題倪泰菴先生七旬仁者壽軸

彭姥詩蒐

卷八

三

丹山有朱鳳雙雙披羽儀雖喈奏已叶葦萋常相依非徒耀文采與世矜陸離會當王者瑞鼓翮翔天池嘉瑞來何所岱岳鍾靈奇岱岳鬱翠秀突兀冠宇宙咫尺拂雲霄蟠鬱松栢茂上有丈人峰宛似人中宿誕育鳳皇雛毛文輝錦繡集閣與鳴岐聞天聲競奏明歲二月吉

天子南巡狩挾策獻

彤墀佇見官賞懋含章自貞慶紫泥隆座右七十二老人童顏鶴髮覆衣錦晉霞觴苞彩煥堂構寢昌在明德景福日以富願效岡陵祝雅賡仁者壽

宿草追維忽十年欣聞有子表新阡幾回夢向銅溪望十二峰
丹放杜鵑

飛鳳岡前列墓門森森竹策長兒孫羅陽老友遙相慶何日攜
筇奠一罇

贈彥翁先生

鄧人姓陳氏

樂處疑尋苦攢眉費討探短垣流逸韻傍竹聽高談客裏愁差
解樽中興已酣清陰風簌簌妙理喜同參
不嫌枳棘地常過話山城端重追前哲平庸愧後生無能尋舊
好且喜結新盟老去詩逾健應多自壽行

錢大姑

彭姥詩蒐

卷八

四

按錢氏譜錢大姑及先公女適生員沈華卽邑志軼事所
載沈旦復華華母倪氏係余先高叔祖諱彪女周氏係庠
生周國賓女弟周氏卒之日自謂女子筆墨不必流落人
間盡焚之大姑二首載錢氏臨清堂祭簿爲未出閣時手
筆云

曉起望雪

一夜蕭蕭響心知雪滿天玉京誰許到曉起揭簾看

對月

并序

承庭訓知婦娥爲常儀之誤因賦之

月度占遲速常儀古所欽誰言后羿婦傳誤到於今

沈周氏

邑志軼事諸生沈兆麟字獻功以詩書世其家妻倪氏通
文翰生四子皆博士弟子員長曰華字旦復三日芝字輝

三尤白眉也華妻錢氏芝妻周氏皆知書女紅之暇相與觀書史論文章有屠氏七襄瑤瑟之風焉及兆麟夫婦卒三子及婦俱不永年芝亦賁志沒周年四十而寡無子貧如洗爲嫁三女葬翁姑及夫營已生殯皆出自十指鍼黹卒之日女偕丁茂賢於敝簾中得詩二首
時邑令張明府繡聞而哀之爲誌其墓

無題二首

兩世風華一旦休十分憔悴十分愁假如化作子規鳥叫到雲山水盡頭

寂寂窗櫺絕午煙甘隨夫婿入重泉重泉相見無他語數問何人守墓田

錢鴻祺

錢氏譜錢鴻祺字景君
邑廩生詩錄棟鄒軒集

彭姪詩蒐

卷八

聖

錢沃臣曰昔白巖先生嘗云錢氏昆仲皆予畏友新一先生文尤清峻惜不永年所見惟吳南飛仗下吟序而詩竟無一存者新一爲景君從子因附記於此

金粟盦讀書大雪效吳體

歲時將晏塵市喧攜書避跡來祇園峰迴自覺精廬靜夜深獨擁醇醪溫作賦狂添司馬興映字遙思孫康尊如斯清景樂何極瑤林四照明高軒

題周大龍墨龍

我家僻住東海東時見雲氣生蛟宮初如一縷漸廣大倏忽潑墨盈蒼穹雷聲割然鼉鼓裂電光倒掣劒鋒紅龍飛在天雨如注大地山岳增龍愁僧繇神妙正如此墨雲泱泱通元功鱗鬣

颯颯勢欲活
圻看破壁騰長空

竹籬茆舍呈張邑尊

竹籬短短繞蓬廬
仰見慈君退食餘
不放草茆吟雪月
還從田野想耕漁
桃花掩映河陽逕
楊柳依稀彭澤居
深幸程門叨侍
立春風滿座樂何如

尋白鹿飲泉亭

北郭閒尋白鹿亭
清溪一曲水泠泠
雲深隱有彈仙操
林靜真堪讀道經
西去蓬萊連咫尺
東來瀛海望溟溟
山前曾否遺仙
草松下應多千歲苓

張凌霄

彭姥詩蒐

卷八

四

邑志選舉張凌霄

乾隆五年拔貢

按張凌霄字廣周號雲谷由拔貢任樂清縣教諭所著有雲谷詩草邑廩生張其璧奕珍之父附錄天台人溫府訓導施際清題樂清諸生攀轅圖其詞曰雲谷張老寅臺先生以選授樂成諭職秉鐸五載教思沁人肺腑既自以年老告歸解組而去多士留之不得於其行也爲圖以挽焉易稱介石之貞詩詠白駒之繫兩得之矣夫廣文一席或且以冷官忽之不知爲國家造就人材師儒之任存肩匪輕也今先生德教深長士皆感奮榮歸之日扳留如市以視世之譁然而來漠然而去者其冷煖爲何如哉諸生旣咸登名圖左清復紀其盛以送其行

採桑曲

倉庚催起採桑人
朝採暮採忙過春
但願絲成貿布絮
不願寸絲上妾身

自嘆

惘然心緒百憂攢悶坐長吁強自寬煙景有情分一席終朝無
計度三餐不妨人巧余偏拙那肯時暄我獨寒自古浮生均若
夢何時一夢到長安

世路無因俯首猜簷前閒步獨徘徊一庭芳草香常滿幾幅青
山翠未開消恨且傾彭澤酒遷愁欲上子靈臺何堪頻坐珠山
頂佇看征鴻去復來

過門前渡卽景

兩岬潮平渡正開晴光漾水最潌洄遠山峰向雲邊聳野鳥聲
從浪裏來半倦舵工重換曲幾番賈客共談才推篷搖指家鄉
處一望依稀失翠臺

彭姥詩蒐

卷八

望

丁卯冬偕同人乘舟過潭港遇雨因上山菴上人月川
畱宿占此

片葉輕舟冒雨行川公傍岬喜相迎敝裘資火寒方減嫩蕊調
湯味亦清室靜渾忘居是客談高不惜到深更今宵得領祇園
趣信是禪和薄利名

挺兒病偶占

疊韻
兩首

兒身有病母心憂苓朮重重無少休共道有兒完母事那知添
卻百般愁

兒身有病母心憂兒病痊時憂未休辛苦育兒兒漸長伊誰曾

記昔時愁

王渭

先生字行南邑右庠生子士邁字冲翹邑廩生錢氏譜詩註先生著有邑志補遺惜亡軼

送韋軒長兄之任泰順

卅年選拔老明經秉鐸今看攬轡行座上青氍原故物堂前絳帳有新聲懸知化雨霑桃李特恐秋風憶膾羹漫道廣文官獨冷蘇湖當日擅賢名

壽泰菴先生七十

丹峰律宰丹水長少微炯炯靜有常五十杖家六十鄉惟翁七十獨堅強高曾義行遠流芳賑粟捐緡愿傾囊炳烺信史姓名揚奕葉俊遇列膠庠春風夏雨轉冰霜惟翁骨幹獨昂藏帶經

彭姓詩蒐

卷八

哭

鋤月光涼高臥煙霞恣徜徉伉儷允推漢王章河東三鳳並成行中有白眉尤稱良藻采超越翰墨場黃花晚節畱清香介實堂上泛金觴題詞儒將稱晉羊左詩劉賦盡琳琅矍鑠哉翁壽而康從茲期頤日寢昌延福延年如高岡停看鳳雛九霄翔

鄧懷聖

先生字睿思號慎齋邑庠生以賑饑議敘主簿字炳侯補訓導署松陽學詩見吳氏宗譜邑志學校纓溪書院舊名蓬萊書院相傳起自唐時宋令趙善晉脩乾隆十五年邑人復脩工未竣廿三年邑人鄧懷聖捐脩令史鳴臯有記弔綱齋弟墓

憶從小共襟裾白髮新添尙宛如此日沙溪橋下路不教三步已回車

倪嘉平

孫勸謹填諱鈔編

勸謹按譜詩文外編陳之綱阮增榮戴殿泗蔡英周光裕
高槐屠本仁從侄桂馨公徵鄉飲介賓象山倪泰菴先生
九十壽辰詩啟泰菴先生以耆德爲鄉里推重乾隆乙未
歲邑中舉行鄉飲酒禮敦請焉時年八十二視聽如常行
步未嘗假杖後戊戌巳亥間復生齒數枚蓋詩所謂黃髮
兒齒者壽徵種種固足爲熙朝人瑞之慶足登歌咏矣
今年十月上旬爲九十壽辰之綱等叨同鄉里與令子象
占遊久因紀先生行事大概爲立言之助伏祈大雅君子
不吝鉅筆鴻章焉先生世居象山嶼頭村曾祖介賓鹿
鳴公始遷城內所居名垂裕堂有葛天一叟積善餘慶授
几崇賢諸扁皆當道方伯所獎表者旁有賑濟樓施粥廠
基等名他善跡則具縣志義行門厥後析爲三房先生長
房裔也自先生幼時業已落家世皆習儒先生年十四獨
以勞父母俯育爲非計遂棄學力田謀供口給未幾兄芳
弟炳生皆列庠序已而皆夭先生益孤苦有爲先生謀去
居宅者其半已他售先生曰此堂雖孤苦如高曾矩規
何淑配周孺人佐之無移志先生雖處舉業而能誦風強
所習經史古文詞數十年仍上口如流課諸子但坐聽之

彭姥詩蒐卷八

里

少誤必懲嘗作志氣論數百言姜白巖先生見之極歎賞
屢舉以告人且時警象占象占遊白巖先生門下也前庶
常如臯史笠亭先生爲邑人令象占爲所取士受知最深
至詩畫皆有指授顧隣其寒乃撥海塗田四十畝爲膏火
貲既受成矣先生以爲獨享不若推廣師恩卽具報願以
其捐助並立積貯法共董焉今具有邑中賢豪樂是舉者
舉田云居間惟以書籍自娛六十歲後每歲必有紀年詩
大意以承先勗後爲務也行事好使人利物以非大者不
多述有子五人女二今在者長輔清增廣生四象占候補
八旗官學教習女造國學生周學易孫五人塾在庠
有聲餘及曾孫一人皆習儒先生猶能督課不倦也
勸祖泰菴先生紀年詩隨時手錄並未分有卷
數間有夾片未清章句茲謹編次一十四首

丁酉冬至脩曾祖介賓鹿鳴府君墓

葭管灰飛動一陽多將抔土豈埋藏梅枝萼小春光近馬鬣封

高舊感長信史特書義行蹟清風猶播介賓堂明年佳節逢寒

食攜得孫曾再奠觴

與鄰友席間話舊

歷盡寒暄世事更何如
耒罷一經橫貧因習慣
無須患心不悲秋
詎待盟逸興總教隨日遣
愁眉勿許對春生
因君同是桑榆景
莫爲多情笑不情

集六言

曙色天開紫氣雲
連雁宕仙家我欲乘閒
到此策杖村西日斜
偕親張宗保赴寧海遊巖洞并觀瀑布

聞道雲山別有天
叨君引步到巖邊
叩門似入無人逕
定是常樓第一仙

彭姥詩蒐

卷八

哭

滿谷淒淒煙雨飛
白虹天上落巖扉
大觀恃此同觀海
那肯回頭喚共歸

感懷

兀坐沉沉憶守成
莫因寒素墮家聲
每懷舊昔勤恩事
半夜巢烏唳亦驚

熬蘆長甘是性真
當知不負此生身
而今髮白完予責
經訓蓄畬待後人

咏懷二首之一

曳杖歸來楊上眠
眼前景况信貪天
十年樹木枝柯長
一力肩山歲月遷
白首朋儔仍共晤
赤軀母子幸雙全

孫莖婦生兒一
震母產甚難

阿蒙問我貽孫事笑指街頭覓硯田

遣興

四匝庭除傍市闌
平明灑掃自寬閒
環門綠有沿溪水
背屋青多負郭山
風月籬邊清晝永
竹梅林畔俗情刪
優游吾自尋吾樂
尤喜家人共笑顏

偶句

每逢鄉曲話淵源
恰把當年義行言
今我樂施施不得
空畱廠

址在東園

曾祖介賓鹿鳴府君施粥事詳邑志義行施粥廠今在張氏住居內

無題

八十年來白髮稀
幸邀天假駐斜暉
乍宵忽夢少年事
一領蓑

彭姥詩蒐

卷八

哭

衣帶雪歸

勸農

趙氏羣呼爽氣和
官家勸種莫蹉跎
猶憐客歲西成稔
況值今春好雨多
桑塢烏衣尋舊壘
杏村牛背弄新歌
流觴欲比南安賜
簪笠難堯酒泛河

重陽登高昌雨偶成

重陽共約過溪東
半路偏逢細雨濛
幾隊明情林木裏
四圍山色有無中
催租漫續詩三句
延壽還須菊一叢
誰似桓軍風落帽
應知透濕更融融

無題

世事遷移似水流開軒靜坐卽仙洲半牀幽夢成噓蜃一片閒情對浴鷗只戀暮山徐閉戶爲看旭日早登樓悠然茶罷無他嗜栽得盆花亦自由

吳成宣

先生字振聲號楚園邑廩生蓬山清話里社吟跋先生詩學李笠翁一家言與周宣等同派是詩見張廣居淩雲西窗詩草并吳氏家譜錄之

天童寺

西來宏選佛大地著天童雲嶂千層合松關十里通獅盤臺徑穩龍隱石潭空

聖世多頒賜

彭姥詩蒐

卷八

手

宸章滿梵宮

訪張梅嶼先生喬梓卽席漫成并請田西賓削正

秋過禪林楓葉涼紫衣指我過鹽場入門喜接三蘇面進闕深窺百忍堂世事不消茶鼎湯人情難比酒卮香燒燈莫罄同心語還借窗前皓月光

賦得冷官不禁看梅花步韻五首

冷官不禁看梅花贏得身閒可放衙三百孤山排碧玉一彎庾嶺繞青霞探春好遇江南使踏雪還尋處士家占個名魁應屬汝堦前桃李總輸他

丈室蕭然心自暇冷官不禁看梅花任將瘦骨淩寒氣好值南

枝點雪葩驢背初穿三兩樹牆頭又見十餘家箇中幽趣誰分
得梅是吾官我是他

非將愛冷向人誇風信初來自著葩青帝已教開荻管冷官不
禁看梅花香來林下如畱我月上枝頭更戀他清趣難逢兩相
值新醪對酌興何奢

大造從來愛物華冲寒先放雪中葩故將清味觀人意誰把孤
芳特地誇天令從教開泰運冷官不禁看梅花一枝折向磁甌
供饒有清香透絳紗

喧傳瑞雪樂何賒爲報先春信不差高韻無煩忙彩蝶清風不
碍集寒鴉廣平寄志聊成賦和靖多情藉有家頻入林巒非我

彭姥詩蒐

卷八

至

癖冷官不禁看梅花

贈宗妹鱗姑

象嶠氣葱蔥鳳水光溶溶山川多蘊結秀異鍾吾宗吾宗有淑
女孤苦歷年所上體老母心辛勤無寒暑寒暑忽屢易母病危
且劇醫藥竟無功兒身不遑惜身亡有兄在母死不可再再拜
禱神明願以兒身代露冷霜淒夜過半寒風颯颯動靈幔空中
忽聞神語聲減爾芳年益母算母霍然兒快然誠感神孝格天
孝女不願議婚媾長願終身侍母右歲厄龍蛇數莫逃英魂長
護山川秀

先生諱鴻賓字亦嘉以字行號鹿野善擊竄書
章軒先生季弟詩見錢氏譜及蓬島樵歌註

爵溪懷古

溪以山名爵同雀本

何年建所城波濤千萬里景物古今情軍

械虛圖壁見卡房畫

漁家編結棚人音非土著信國古屯營所

爲明湯信國經畧海上所建七十二城之一
所人言語至今皆汴音相傳係調戍之苗裔

東臯雜咏步四兄元韻

江東生擅壁窠書力具千鈞意轉徐行客每過看不厭弩張箭
接意何居

吾鄉最好出東門一帶村田古意敦沿過塔山山下去梅花谿

勝桃花源

彭姥詩蒐

卷八

至

一路桑麻屬女紅千邨菜麥見農功秋花方穫春花滿舍外何

嘗地少空

周廷恩

先生字上春號素亭附貢生乾隆戊寅邑大夫史鳴臯主
修邑志周廷恩監造子烜南圖南庠生斗南國學生詩曾
孫曰庠送編
日庠邑庠生

梅溪卽事

撲面香來破俗塵清波白雪雨爭春意將擇向林深處結箇茅

廬傍水濱

紅葉偶成

萬綠經秋漸自凋如何春色滿山坳莫非青女爭施巧筆醺紅

雲著意描

水仙花

翠葉尖尖碧玉新
平沙淺水趁青蘋
江妃入夢常含淚
漢女淩波不染塵
瑞猷玉杵因餞臘
香浮金盞欲迎春
別裁一品叢千瓣
並向瀛洲一問津

瑞香花

誰是風流絕世妝
臨春早放壓羣芳
三元首報呈年瑞
一品先開破臘香
玉瓣雅稱烘淺紫
檀心尤愛點微黃
廬山一睡名千古
惹得詩人箋滿囊

望春花

彭姥詩蒐

卷八

三

咏到辛夷韻怕拈
仙仙直上玉山尖
劍光沖漢濡清露
雁字書屏映碧簾
觸景初驚春已到
聞香自覺暖微添
午醒疑是崔郎立
酒罷臨風興未淹

李花

白戰香爭春未闌
梅耶梨也望漫漫
露光凝處堆香雪
月色明時映素紈
是玉是水疑室靜
非煙非霧透簾寒
公門合是稱雙品
獻綠休推聚鵲冠

木蘭花

蒼蒼老幹得春遲
七里洲中百尺枝
共覓仙洲臨水處
幾忘寒食入山時
征人觸目頻驚夢
孝女酸心懶唱詞
漫道愁腸不易食

解霓裳一曲慰君思

楝花

花榮芳樹蔭庭莎密葉如槐不改柯二十四番吹宛轉百千萬
種失猗儺卻憐紫艷將來少爲惜春光過去多試看金鈴垂老
幹好將辛苦待調和

張凌雲

先生字廣居號龍津邑諸生梅嶼先生之子也精於堪輿
所著有西窗詩草與里人錢章軒鴻基吳振聲成宜多倡
和之作詩張允升學韓送
編詳見前張思齊詩註

約石齋登山尋蘭

芝蘭產幽谷挹露暗飄香僻地無人賞含情待客將同心思臭

彭姥詩蒐

卷八

蓄

味聯袂掇芬芳解佩君先領看予紉作裳

咏鴉

力學不能僞逢人豈肯依烏衣留古質鐵嘴競今非不惜憎之
衆何傷愛者稀曉曉終日裏何處足高飛

新燕

忽聽梁頭燕子語春分特送及時來新泥重葺完家室故壘全
傾費剪裁一路關津驚睡夢連朝風雨絕疑猜去年未餞今年
賀莫負蓬門爲爾開

四月初三日偶步龍山之側

莫嫌徑窄步難前喜趁微風去復旋靜裏乾坤都有趣閒中歲

月恁無邊聲聲野鳥啼深谷色色山花映隔川好景酬人歸未得多情的是暮春天

題沈石田枯樹三老耑

覓得石田佳畫箇三個老烏立樹枯畫中神妙且勿贅更有深情寄於吾不僞卻成忠直士能孝又推反本烏枯樹枝枝是鐵幹亦是歲寒一丈夫飛來棲宿不肯苟此樹卻與烏相符寫來三個有意否見得善類亦不孤

己未秋七月禱雨於龍山雲谷潭偶拈

龍山之上有一潭龍神居此無束縛曾傳洪武三年時我地無雨苦一族秋風禾黍任熬煎大地幾焚人人哭族人適從溪旁

彭姥詩蒐

卷八

五

歸遇一老翁異面目云爾居民無過愁今夜大水十分足傍晚溪水滾滾來高下田地一齊沃是年果然大有秋合族老幼皆拜伏入城急白有司知至今縣乘載雲谷嗣後本邑及遠方遇旱都來拜禱祝求之靈應果異常惜乎未上聖鑒燭相傳直到國朝初凡有至誠都感觸胡爲乎凡令之民步禱未能致虔肅求之不雨反有詞云龍他徙別有屬今年不雨爲日多處暑已過白露續五日無雨必無禾雲霓可望何躑躅近郭已得滂沱雨苦我東隅遭大毒族長集衆議求龍紛紛盡說鋸門洞吾獨拂衆曰不然只消竭誠都感通本潭之靈亦昭昭作起雲霧能蔽空一步一拜百餘人有龍則靈在其中爲念來溪畔後望海

天同霈今日 逢雲若飛騰同變化定將神功達
九重

東錢肇賓

久未答一詩愧少切心句今日胡爲酬聊抒鄙情懷我拙老無
聞無怪笑待免君才品兩兼羣羨抱雅裕定須努力爭況早號
書庫時乎不再來瞬息流年度

親家吳埜園先生於七月初旬遊西鄉諸名勝一路賦
詩拈此答之

客冬挈我過西沙今復逢場樂事賒一路雲山消入酒滿囊詩
句剩還家竹枝驅暑風初透梧葉招涼日半斜老子何因歸計
彭姥詩蒐 卷八 奚

早留將好景約同車

讀周躋厓先生寓京詩集有感

十有三年京邸苦賺人頭白是長安吟成客路多心爽賦到家
園祇淚彈是處煙霞忙裏過逐時孤冷夢中酸桂東八月生平
了知桂東縣僅入福智山傍夜夜寒 福智山係躋
月丁艱歸便卒 厓停柩處

周開京

先生爵溪人諱開京字無攷有龍嶼
八景詩見於張梅嶼詩草選錄二首

摹字雙巖

壁立雙巖勢甚張誰將椽筆寫蒼茫苔侵更見蟲魚古花繞時
聞翰墨香不是燕然銘政蹟卻從雲峽煥文章試看昭諫題東

谷信有游仙過此鄉

童仙西塢

童仙羽化已千年雲谷遺蹤今尚傳
滿岫仙霞迷曲徑一泓丹水繞前川
昔時遠去乘黃鶴何日歸來喚杜鵑
可愛龍山明月夜有無人在塢西邊

柴六皆

六皆先生邑人失其名以字存詩附張廣居西窗詩草

贈張廣居先生

雲谷有奇士豪情不肯刪雄談多古道
快論解余顏志不輸秦漢文將奪馬班
不恨相見晚但恨見時艱

彭楚詩蒐卷八

其二

落落寡所交咄咄空自守幸從張君遊
暢談忘坐久君心癖於詩儂性耽於酒
師事李青蓮平分兩人否

錢嘉

錢氏譜錢嘉行名鴻猷字煥青邑庠生詩彙棧鄂軒集子恭臣邑庠生孫嗣容戊申科舉人

錢心溪云此沃臣二伯父也伯父早世伯母宋孺人苦節守志五十餘年沃臣現率侄孫克祚等呈請題旌云

易簣前口號

無端魔境忽臨身多少豪情未得伸
親在高堂兒在抱未完屬在未亡人

兄弟依依似雁行相期頭白樂高堂
我今撒手不忍去五內其

如痛割傷

吳元錦

吳氏譜元錦字天裳號絢齋庠生尹之子
候選州司馬山潮之父附貢生本杜之祖

秋日沙溪省先君墓

沙溪清且淺積水漸成塘煙散波痕動風搖樹影長暮雲原草
碧霜葉埜田黃回憶趨庭日徒增老大傷
二
夕陽淡秋景塔嶺影婆娑節候已如此孤懷可奈何滿山風落
葉隔水鷺眠沙寂寂荒原痛嗟哉嘆逝波

題袁石溪先生遺像

彭銘詩蒐

卷八

美

洛陽臥雪美家聲領袖文壇仰盛名下第劉蕡今古惜長貽模
楷樹芳型

渡黃溪

渺渺征颿古渡前寒沙無浪樹無煙潮聲吞吐平分地塔影東
西倒照天一歲星辰催短景五更風雨對愁年
事布襪芒鞋盡一肩

哭鑄妹一

爾我皆孤苦辛勤已半生扶攜憐小妹友愛媿難兄忽染三朝
病何堪一命傾可憐成永訣血泪自盈盈

歷歷生前事追思倍悵神呼天惟有血代毋竟亡身記冊猶留迹牽絲未了端無端關百慮獨夜泪沾巾

三

天高不可問天意竟難求三十六年算今朝一刻酬夢神有滅三紀之語捐生何太速底死莫相畱哭訴閭羅殿回陽肯放不

四

追思毋病日夜靜禮瞿曇痛極呼天切神言滅紀三方知徒有女真可勿生男死矣全貞孝何時銘石函

吳鵬翮

先生字南飛邑廩生吳人儀之伯祖詩郎人儀送編據序畧先生平日寡嗜欲喜吟咏著有仗下鳴集

彭姥詩藁

卷八

五

秋思

西風來逆旅何事雁書稀籬菊凌霜瘦江鱸應節肥戊樓寒弄笛青閣夜砧衣悵望知時燕翩翩帶雨歸

題漁翁小影

戟冠博帶做公侯那及君家得自由彭澤不勞辭斗米剡灘時見被羊裘半竿白雪千花塢浦浦寒煙一葉舟忘得筌魚歸去晚歌聲驚起欲眠鷗



